

兩浙輶軒續錄

兩浙輶軒續錄卷三十六目

沈兆霖 瑞慶盛元 李本仁 唐廷綸

蔡振武 孫曰座 陸以湑 溫文禾 張枚

謝榮埭 蔣敬巖 達巖 遜鍾景

王勤垣 查世佐 樊徐雷 陸澗 俞方毅

周光大 朱廷綺 陸金棟 劉東藩 凌庚

胡衍禮 陳漁 周良邵 徐元第 尹嘉年

吳尊盤 王文璋 俞廷颺 金崇梓 姚躔奎

陳乙 黃青霄 鄒志初 高學沅 許誦恒

高錫蕃 吳慶埏 江毓荃 戴福謙 施英楷

謝申烈 褚元益 莫炳垣 江肇壑 沈照

陳長孺 王引孫 王兆森 徐雯 雙成

夏鳳翔

陳元祿

高鴻

洪清麒

高頌禾

王韡

沈文治

張開福

孫憲儀

王燾

朱澣

湯克成

吳膺洛

黃士燿

酈滋德

呂至

洪守一

兩浙輶軒續錄卷三十六

督學使者潘衍桐訂

沈兆霖

字子榮號朗亭錢塘人道光丙申進士官至戶部尚書署陝甘總督贈太子太保子諡文忠

府志兆霖生而穎悟甫十齡十三經已卒業入學第一鄉舉第二館選後視學陝西江西典試雲南四川江西江南咸豐己未充會試副考官補左都御史清勤亮直深結

主知庚申籲請

回鑿一疏尤見忠愛之忱辛酉以戶部尚書赴甘肅查案定

命署

陝甘總督勦辦西甯撤匪受降凱旋行至平番縣之三

上震悼贈卹

生事聞道嶺溝遇雨雹山水驟發輿從衝沒後得遺屍面色如

聖者

鍾駿聲曰文忠公師以績學荷奉使校試所歷半天下自始進以迄大用凡所聞見皆

寫於詩紀風土誌掌故無日不以天下為己任尤好扶

植士類歿之日聞者有回首崖州之歎其詩文集昔歲

始刻於京邸子舊藏一書橫幅中有五律云鶴警忽

焉至鷗朋僭以分何時問蹤迹幾輩斷知聞塊獨誰憐

我窮愁最數君相思不相見望望北山雲詩為庚申八月間作集中未載

錢保塘曰文忠公既薨之三年楊戶部鴻典從其家索得遺稿錫戶部緝與童太守大野張戶部敬生先後審定復屬保塘編校凡得文八十一首詩五百六十八首附詞十入首釐爲十卷冠以公自撰年譜一卷率資刻之者潘侍郎師祖蔭蕭觀
察培元暨錫楊張三君也
緝雅堂詩話陝西三原有宏道書院吾鄉張澗山先生岳崧所搨沈文忠公提學日乃廓而大之博東齋增膏火規模遂與闕中書院相埒事詳自訂年譜其韻辨附文撰于此時欲學者以爲小學從入之門取古以證今而總以宜今爲主則
干祿字書之遺意也

題杜文正公澄懷十友圖

至尊昔在

潛龍邸文正從容講書史我時橐筆侍梁園胄筵相向東西

啟兆霖以丙午八月前垂天賦東詔授惇郡王讀今上談藝餘

閒出此圖展卷數附唐十子

賜園水木鬱蕭森金蘭氣誼神仙里擅場畫手推吳生同邑

先容丁敬禮

吳冠英工寫真與圖中丁誦蓀學士同爲昆陵人誦蓀稱其能於文正因以圖事屬之

君寫作瀛洲圖添毫一一都神似說經舊數延陵君短童搯

卷趨逡巡

謂吳崧甫前輩

竹槐榆柳蔭廣榭其下文波開碧鱗或行

或坐或徙倚清風拂拂生屨巾五賢中得三宰輔篆策彪炳

同書勳兩君次第乘傳去畿南黔右操珠衡

一亭面水雜樹垂蔭中坐二人

爲壽陽相國徐惺莽前輩抱卷而來者爲文正公正立若有

所思者爲丁誦蓀學士倚樹者爲黃縣相國圖成後二年惺

莽前輩視學順天誦蓀學士視學貴州致身少壯二開府臨流坐石情何親後

來談笑靖疆圉當時瀟灑超風塵

一人把釣旁一人坐石几而觀者爲篠浦根雲兩中

丞棹船來者朱與戴舟中載有圖書均兵農籌策兩同譜一

已歸踏西湖春

舟中積圖卷二人同載者爲朱桐軒戴鹿牀兩前輩係壬辰同年鹿牀前輩歸里已九載

箇中人豈泉石侶翛然如結煙霞鄰闔風縣圍在人世薛

蘿軒冕真等倫繪圖肇自蔡漳浦先後甲子逾環循

朔自蔡文定公

作入友圖後已歷甲子一周有餘

詎惟聲閥繼前美卽論簪盞還增羸壽陽

相公精饗箸記盛如寫西園賓德功言已三不朽名山況與

同崢嶸不材我自慚檣櫟步武芳塵溯疇昔銅龍金馬兩追

隨十人九許陪前席

兆霖先直書房十友中

惟崧甫前輩未及共事

南

小有林泉何氏山曾談風月徐家宅

兆霖前後寓居卽惺莽根雲兩前輩居

鑿

翠親看戶牖開碧鮮幾作壺觴客

鑿翠山房徐浦前輩所構碧鮮館文正公談讌所也

荏苒年光激箭流半辭朝籍半山邱惟有尙書稱舊雨亭茗

西北水邊樓

十友中今惟桐軒前輩猶同寓澄懷園

猶記金陵秋奉使騎箕疆

報來徐州道旁多少饑黎泣我亦挑燈悵昔遊

王子七月以江南試事行

至徐州得文正公捐館之信時公以查振至江南

畫幃重披如昨曩老成殂謝高山

題圖額時爲丙午之冬

宦迹仍

仰五字留題忝附名十年去夢空遐想

題圖額時爲丙午之冬

宦迹仍

隨兩嗣君

兆霖去秋調署工部與繼園侍郎同官今冬調補戶部又與筠巢前輩同官

韋平世卜

絲綸掌作歌敢詡其千秋百尺龍門增向往兆霖爲石樵太傅師門下士

王節母辭

母氏陳夫死絕粒二十餘年不飢不羸不疾年五十八而卒子二長酌乙卯舉人

婦人所天實惟夫不夫而食胡爲乎吁嗟母兮夫死不食誓

與夫俱徂

解一

生其牢兮歿不能其玲銜痛而逝母何憾古井

不波終古湛湛

解二

飲淚喋血茹苦咀辛有不粒食真未亡人

解三不食而死母心所斲不食而不死天祐以奇索諸中壘傳

中蓋亦希

解四

匪直不死而無疾痛之偶嬰梁肉斥井曰勤以

迄於二十齡是唯淳固之德抱一而不敗故能福禧禴祐之

集於而身

解五

天祐爾長不死以鞠子鞠子成獲令名完母貞

解六吁嗟母之節兮始爲苦而終爲甘兮甘實母之報兮苦非

人所堪兮

解七

節母今全歸兮詒子以有穀也孝子其毋悲兮

餒母以仁粟也

解八

安南道中雜述

起伏絕無定山行路仄斜野花如瘦蝶霜樹半寒鴉
榭葉眠牛穩禾根聚鴨譁居民雜夷漢隨意兩三家

郭有道墓

飄然仙骨獨昂藏溷跡衡門道益光
執友平生惟叔度定評作者有中郎
雲邊野鶴超羅網湖底長松傲雪霜
墊角風流猶在否老槐終古自蒼涼

祠前一
槐極古

藕船得善業壑大小各一借觀後題此詩還之

慈恩古塋善業壑采輯始自諸城劉

謂燕庭
觀察

去年寄我手拓

本欄幃十四編琳球景純亦抱嗜古癖
吉金樂石窮遐搜蹠跚塔下素不得
那見斷壁埋荒蕪雲閒陸子實解事
何處覓取相贈投

蓬爲陸君
月川所贈

仇池不用晉卿奪襖帖何待蕭郎偷瓊

包錦襲遞魚驛啟視古色爭尊大者存十一字小者存一大者具體但排角小只隻字猶遺留字大所不足小適補之以多合寡適補闕三行

完整精藍裒重逾二銜質微緻面徑尺許文清適博壑船象絕比類意揣莫得窮其繇壘陰深凹不及寸凸處古佛紛雕鏤世尊跏趺袒右臂妙蓮湧現枝相繆側侍者二坐者六幢葆瓶鉢煩推求昔觀紙本叫奇絕今觀古質神夷猶未央遺硯半質造華清敗瓦誰探蒐君今何啻獲拱壁所好必聚言符歐苦思已熟不脛至作合似有神爲謀黝然蒼秀少倫擬得此不負關西遊借觀累日綴此句還君去壓南行舟

哭張石州同年

燕趙悲歌士山林著作身論才堪不世吾道喪斯人圖裏鉏

空荷

石州曾繪煙雨歸耕圖

牀頭卷尙陳擘經應得侶去逐阮公塵

君卒

前六日芸臺
師相赴至京

一掬途窮涕生天恨未消劉蕡曾對策賈誼尙登朝身世嗟
難說年華更早彫篋中遺稿在讀罷淚飄蕭

知己天涯隔窮冬冰雪皚壽陽歸日淚平叔去時杯祁春圃
相國何

子貞太史知君最深相國鞠獄
西涼太史衡文粵海皆不在都菊盡羣芳寂松摧萬木哀亭

林祠許祔椒桂永追陪慈仁寺內願亭林祠
子貞與君所勑也

窮達尋常事飄零骨肉悲瑤琴撤弦柱玉樹折階墀先一年
君妻子

皆歿子然一身納姬
二人今皆有遺腹疾迫心先死陽回世永辭君以十一月
九日卒是日

長雙珠卜身後伯道豈無兒

哭儀徵相國師

暉麗才文武包羅學漢唐

中朝摧柱石斯道失津梁信史風雲績高文日月光精心涵

萬有淵海自汪洋

河嶽鍾靈異如公信不虛匡劉兼偉業姚宋有傳書一代宗
文獻羣儒拾賸餘九霄旗鶴下因甚不脚踏

歸臥東山後華夷視曼齡署銜新節性公歸里後自署節性老人結習舊
學經海內靈光殿淮南福壽庭公所居名福壽庭如何天不慙座圻

上台星

不才稱弟子有幸識君侯峻級丹梯阻良醫赤箭收明河秋
日賦公爲大教習第一課秋河賦置霖第一謂可與言文別酒去時舟公以戌戌子
送之賦置霖第一謂可與言文別酒去時舟公以戌戌子
路河乙巳入都聞公在康山遊鷺以爲途遠不
然龍門不可求

西涼新樂府

牧馬回

戰馬如雲散，坳牧番騎遮。要入山谷中，苜蓿青茸茸。我馬不食，但躑躅長嘶，卻走無留停。痛著鞭箠，誓不復吾。

皇德意，浹庶類。馬食官芻，如食祿。急還故廄，立不動。番人不敢窮追，逐黃塵起處，官兵來歌呼相慶。我馬回。

徙牧地

西涼營馬逐水草，水草爭如番地好。番人一過，馬羣空議移。官廄暫避鋒，自從移廄牧，無擾虜騎長驅入。村堡迫逐牛羊等閒事，一室妻孥詎相保。將士愛馬官愛民，棄地招寇眞苦辛。村氓嗷嗷滿四野，自恨今生不爲馬。

夜圍村

虎狼何幸，投陷阱。暮據山村，負嵎猛防兵。四集大合圍，我軍勇健敵勢微。寡謀但恃火器利，高踞屋山無一斃。平明致死。

客作主深宵轟擊真無補是何雄傑一將軍首犯通中死結
纓自註謂守備楊東有餘兵失勢爭竄伏敵人謾笑縱不逐

留谷中

番人出沒繇谷口出得性牽歸恐後今年大掠滯不行阻兵
據險情可憎渴飲潼漿飢殺馬羶帳連雲彌大野我兵持重
懼勞師撤圍疾走愁倭遲豈知狐鼠尙竊伏我歸則出無定
時流民號哭遮大帥大帥頓兵卅里外

漢壽亭侯掇刀石歌

在荆門州城南二十里傳爲侯發兵攻樊城時掇刀在上石爲碎裂

精誠所至石爲裂摧堅豈藉刀頭鐵盤陀兀峙生蘚花疑是
當年戰場血孫吳曹魏無勝兵繡旗直出襄陽城庸兒小敵
何足算英鋒抉石青天驚三分局定誰能轉白衣購艤疑天
遣不然北向圖中原宛洛許都皆席卷父老祠公石並傳荆

門故壘大星懸吞吳遺恨夔江上八陣圖存共惘然

曉雞曲

漫空苦霧四塞平東方已明如未明雄雞及時獨先覺起向
中庭呶喔鳴複帳重帷錦衾褥一夢主人猶未足夢回側聽
惡繁聲洞戶深深有明燭燭明戶暗主人疑爾雞爾雞何太
癡明晨箝口且休息旦暮主人能自知從來知覺常忌早正
論告人信者少君不見鸚鵡當窗學詈人主人點首了不噴
馬道驛館夜聽泉聲有感

萬派竅斜水南行繞市樓遠從秦嶺下直入漢江流白月空
山夜青燈古驛秋天涯今夜夢催我向河州

罌粟歎

連山開田土膏沃不種禾麻種罌粟春晚花開織錦成白白

紅紅照巖谷不愛好花開惟盼好花萎結子綻細苞纍纍倚
深翠晶瑩露氣團蓮房如拳實大擎朝陽鉛刀細剖裂瓊漿
盛以瓷甌冰雪光風戾日暴成元霜呼吸化作煙霞腸我聞
栽花鍊土由海國載來內地施鬼域遠物居奇索價高夷人
貪利華人惑奈何華人今復自爲夷嗜利害仁心險巖深林
大箐蔽山谷郡守縣官都不知或云知之亦且利其租此田
不用煩追呼又云豪家種此利有餘歲歲得錢供吏胥相隱
遂成俗相殘何太酷人情如此亦難回天心未必甘流毒安
得嚴霜殺盡罌粟種一掃蘗芽如卷籜還汝良疇殖嘉穀

緞疋庫傳是明英宗小南城故址

崇質宮猶賸廢楹風雲曾護小南城由來天日原無二此舉
姦雄竟有名再造奇謀太倉卒一時朝局遽紛更淒涼東市

功成罪辜負艱難十大營

才臣臺上觀星日衛士宵分進輦時
雨帝始終謠盡驗雲天
升降局眞奇伐殘南內牆頭樹淒絕
西山墓上碑讓與姦璫
延廟食石人辛苦就誅夷

瑞

慶

字雪堂瑞常弟杭州駐防蒙古鑲黃旗人道光丙申進士直隸候補道著樂琴書屋詩稿四卷

柳營詩輯雪堂與兄文端公齊名通籍後以知縣用選湖北鄖縣丁憂服闋改直隸歷任宣化清苑令調宣化遵化知州同治中開缺以道員歸直隸補用尋卒

將入都呈芝生兄

六年不到

帝城隈曾寄家書幾度催爲我新開棠棣館及時待飲菊花
杯自知驚足驅難進未必浮名志便灰春草卽今看更綠也
應料得阿連來

三秦道中

西入秦川路征衣雨雪衝堅冰蔥嶺滑詩思灞橋濃樹失連雲棧天低落雁峯嗟余行役苦羨爾服疇農

盛

元

字韻琴號愷廷杭州駐防蒙古正藍旗人道光丙申進士官江西南康知府著怡園詩州

丁丙曰愷庭以卽用知縣之江西補餘于令未幾丁憂服闋捐升知府補南康以道員銓選告歸後卜築洪福橋東竹木深秀富藏卷軸與吳筠軒觀察同年又曾同官江西最稱莫逆相與結鐵華吟社子亦忝附唱和極一時之盛踵富桐軒刺史創立梅青書院嚴立規條延師教育營中俊才弦誦之聲比戶相荅院中舊有梅林將軍范公所植燹後無存愷庭令肄業新生各植梅二株蔚然成林

題王依氏節孝傳後

士窮見節義斯言豈欺我女子有士行丰裁尤磊砢節婦王依氏傷哉遭奇禍夫死尙無子徇身知不可姑死只一翁白髮嗟坎珂節婦事乃翁悽悽淚交墮不爲似續謀安得先靈

安翁憐節婦志負子學螺贏節婦意獨否欲語轉愴然螟蛉
雖可託何如一脈延登堂長跪請願翁重續絃善人必有後
理可質諸天翁曰非吾願節婦請益堅誠至翁意感新姑迎
堂前姑媳年相若侍奉禮莫愆焚香常默禱只願瓜瓞縣惟
天祐節婦庭蘭昌厥後有叔斯有子苦衷真不負叔生翁又
逝養姑情更厚撫叔助乃姑成人良非偶吾慕節婦節鐵石
堅同論吾慕節婦孝織衽佐盤飧吾慕節婦智葛藟重本根
吾慕節婦慈撫叔比親恩昊蒼報之福嘉慶集其門無後今
有後繩繩宜子孫幽光久必發奇行達

帝闈旌表榮千古豈徒示後昆

娛園二詠爲許益齋

增賦

我來許氏園蕭然絕塵俗名花次第看幽蘭流清馥愛蘭獨

愛素心蘭洗盡繁華留貞朴彷彿藍田移種來玲瓏小瓣花
如玉豈知蒔花人非徒供瞻矚主人許子以孝聞園亭都爲
萱堂築種蘭似寄采蘭思侍養只憂日不足補詩宜有束廣
微南陔一章爲君讀

蘭

昔年孫家鶴曾食許家糧孫家之鶴去不返許家之田券已
忘夢醒蓬山雙翮張羽衣縞袂雲中翔歸來復爲許家鶴主
人相見意徬徨吁嗟乎光陰隨流水時局多滄桑鶴兮翩翩
似有知依稀故里認錢塘我當更爲主人賀來年同醉瑤池
觴

題張子虞太史

預

負書圖

茫茫劫運逢陽九睽睽妖星逐羣醜天尼斯文慘無言劫救
秦灰屢搔首錢塘張子書等身士林仰若山與斗說經當在

鄭許閒摘詞恥落齊梁後君學旣豐遇未豐人爲君惜君獨
否滿架圖書樂不疲著述足與名山壽瞿駿赤子弄潢池時
在庚申迄辛酉君書燬半存亦半收拾叢殘眞棘手癸亥之
歲大難平人去書存事非偶幸哉有子讀父書手舐口沫亦
己从讀書容易負書難偃僂獨行陟林阜兵燹彫殘民人稀
榛莽荒煙徧躡蹂雨淋日炙幾晨夕野鬼悽嗥燐血黝抱書
倦臥夜何其破屋蒼涼門孰叩突然猛獸銜書去奮臂奪書
獸長吼一聲桀石獸忽遁護持若有神明守吁嗟乎人與書
兮共存亡熒熒子身負書走書亡與亡志無他書存與存天
不負我展斯圖重歛歛金則無書則有清修食報在後人
滿室書香傳百口一鳳高翔入翰林磊落英多才寡偶行看

珥筆奏

天延

詔列藝文垂不朽

李本仁

字藹如錢塘人道光丙申進士官至安徽布政使著見山樓詩草

黃憲情序略詢如觀察由郎官分巡嶺北勤政修

教整理濂溪陽明兩書院多士咸集絃誦不絕

杭部詩三輯藹如由庶常散館分部觀政不十年出爲

嶺南道時會匪滋孽收捕無遺建柱下小築以修虔州

志乘聲園久廢葺而新

之吏事餘閒頗持風雅

寄心盦詩話藹如方伯辛亥歲百邀余赴皖商訂所徵

諸詩余次年遂由京師至安慶聚首兩旬暑熱買舟東

下未幾間方伯殉難其詩

音律和粹譜所刊不多

淮南王

淮南王自稱賢欲從海外求神仙海外有天非人間洪濤蔽

日晝風雨靈鼉駕山矗天柱天柱何高高縹緲凌中央植根

虛無豈足恃安能移之作棟梁波臣舞蹈拜稽首願獻王前

爲王壽大魚戔戔來小魚戔戔附江海之流涓涓注我欲射
魚波臣怒波臣且游蓬瀛暮登九閭金支翠羽翔鸞鳳俯視
下界雲荒荒富貴極兮何所望

惶恐灘用東坡韻

心怯危灘數問人天涯迢遞宦游身
竭來初作風塵吏何以無慚舟楫臣
百丈牽如持朽索九迴腸每念枯鱗
上游形勢通閩粵此是東南最要津

重建滕王閣賦詩落成

臨江新構鬱蒼蒼九派煙濤接混茫
上界星辰通碧漢下流砥柱束衡陽
魚龍影裏珠簾靜鷗鷺風前玉笛涼
莫認當年歌舞地好留形勝控南荒

陽明書院示諸生

戡亂昔駐此而作百世師拯民出水火大憇人性濟休暇輒
闡教所主惟良知陳張旣排擊湯陸同誹訾高遠舍卑邇學
者無由窺矧復近禪悟流弊紛支離我慕公之功謀略何神
奇又聞公之學海內皆宗之經濟有原本名教資維持公生
具異稟竄謫瀕艱危進取乃益力見道無費辭渾然絕偏倚
常如赤子時斯理自真實豈其涉冥思諸生志嚮往擇術毋
紛馳何黃此邦士前事良可追孰是聞知者勉哉作聖基

吳石華學博舊藏端溪二十四硯張南山司馬

維屏購

得其一見贈詩以誌謝

良材不易覲結想自疇昔石交靜而壽相期共晨夕東粵此
接壤所恨端溪隔雲根孰移贈錯刀世爭惜先生人中龍海
內推詩伯博物善接討鑑古尤精覈岩洞已久扃五丁不能

關夢窗擅柔翰當日富儲積廿四比詩品得一快奇獲因之
遠寄將獨讓具眼隻開匣爲摩挲其大不盈尺古色鬱蒼潤
呵之欲流液片雲出岩壑靈根洩地脈秉性特深厚賦質更
堅白不琢全天真坦然與道適聚墨不在多此中有膏澤我
生無良田耕石愛其瘠守璋慎所貽時可願已釋他日理歸
裝此是鬱林石

澄塘海忠介題壁處

清風遠溯古循良崛起真成百鍊鋼北闕上書匡社稷西疇
有事問農桑空山雜犬桃花影老屋龍蛇墨藻香三百年來
塵劫換至今遺蹟照澄塘

元鐵漏壺歌

牝土之氣交元冥千八百載成金精箕風簸燄電蛇擊刀煙

走霧神蛟驚鍊鉚走汞鑄造化觚圓協運機環生天池中樞
括內省胚胎混沌腸其型銀鑿旁凸聳二柱仰承俯注乾坤
形秤水入斗析絲杪天門啟鑰鏗瓶笙錡鏘鏗動呼吸蜿
蟻曲赴如從繩銀虬含珠忽一吐曉露噴薄芙蓉莖鏗鑿下
擊應桴鼓漏天雨玉鸞蔥珩浮箭定刻不毫爽如貓轉曉魚
知更櫛盤磨旋度晝夜胸眺飛納占虧盈誰歎造此洩祕籥
達魯花赤親鍍名我聞授時訪堯典造漏實始軒轅經聖人
制器警昏旦於水墜動衡持平後來穿鑿務詭異金胥玉女
侔神靈元帝制漏更精幻宮開日月東西明飛仙度橋獅鳳
舞神人按節鐘鉦鳴推此聰明資變理淑氣亦足通寰瀛何
爲陰陽自瀆亂喜禪魔舞污宮庭寵臣但有伊納克供養乃
及西番僧明星墮地化石狗黑氣分裂如雷霆兩日相盪水

五色空中自闕蚩尤兵讚佛詎足弭天變適以玩愒招災徵
紅雲罩巷御宿出戊申定歷龍飛騰戴盆窺管昧理數吁嗟
私智等挈瓶此壺至順四年造無乃機巧開先聲五百春秋
老銅狄土斑歛鏞莓苔青頑鐵空餘異代感後轍可以前車
懲志士光陰惜分寸列座奉作盤孟銘直須運璧學陶侃何
必鑄金師張衡

濂溪書院留別諸生

嶺北氣雄厚發源自崑崙先賢妙過化川嶽餘清芬一官此
承乏五易秋與春讀書本夙好所願共討論案牘累寤寐闕
訟苦紛紜景行志前軌跬步未克遵自慙德教淺敢謂民不
馴民氣基士習其勢常相因每望二三子補救使之醇絃誦
靖意氣太和入陶甄非惟化悍俗寶此圭璋身轉移有微權

風會當一新今與諸子別夙懷鬱未伸無由致拳拳留貲二
千緡聊佐匡衡讀無補原憲貧努力事精進上灘戒因循我
行日已遠我夢猶江濱回首玉岩山此中應有人

唐廷綸

字雪航錢塘人道光丙申進士官
湖州府教授著自得草堂詩存

汪曰楨序略雪航先生任紹興府學教授二十餘年以
勞升廣東翁源縣知縣不就復改教職移任湖州其詩
抒寫性靈有悠然自得之趣

詠梅

小別孤山夢想頻檐前忽見一枝新招邀寒月醉尊酒浮動
輕煙香水濱骨自清奇非傲世心雖冷淡不忘春卻羞獻媚
東風裏寂處空齋趣獨真

蔡振武

字磨洲廷衡子仁和人道光丙
申進士官江蘇太倉直隸知州

杭郡詩三輯磨洲未冠卽冠童子軍領鄉薦旋入詞垣
屢司文柄旣而陳臬粵東攝督撫篆會兵事鼎沸緣案

落職蒙

恩矜宥用同知發江蘇適合肥李肅毅伯督師撫蘇其門下
士也徽署太倉州保知府迨杭州克復乞歸卒

馬孝子詩

鬱鬱洞庭山瀾瀾吳淞水相隔百里遙賈舶駕如駛賈兒有
儒行卓哉馬孝子孝子白眉良菽水具甘旨承歡莫釐峰偕
遊春申涖翁也喜蕭閒買卜君平市無端海氛惡烽煙四邊
起飛鳥樊籠中游魚釜鬻底維時馬孝子將母先歸里鶴唳
驚遙傳烏私念靡已牽衣別阿母子身棄行李地棘復天荆
一生出九死離亂竟相逢歸帆向東指遂令孝子聲藉藉挂
人齒方今世多難骨肉半流徙父子不相顧庇根忘葛藟誰
能冒鋒刃陟岵念所恃賢哉孝子風家聲世濟美望遠切欽
遲披圖深仰止願與揚清徽末俗挽積靡

孫曰庠

字養齋號午泉仁和人道光丙申進士官山西襄垣知縣

聞雁

雁邊雲縹緲清夢接瀟湘風露秋千里關山字幾行櫓聲搖薄暮箏柱韻新涼我亦關心者栖栖感稻粱

陸以滉

字定圃又字敬安世埭孫桐鄉人道光丙申進士官杭州教授祀鄉賢

府志以滉以知縣分發湖北奉親抵省甫數月父元錚慮仕途嶮巇時有憂色卽承志改就教職選補台州教授外憂服闋補杭州教授以母老告歸歷主分水近聖及杭州紫陽書院講席衡文清真雅正士皆化之著有

冷廬
襟識

山齋留客圖

井序

道光己亥余選台郡教授廨地宏敞西南諸山列戶外余葺治隙地皆補以花每與二三佳客清言竟日

爰作此圖

空齋閉門居閒散伍丞掾經世愧無術幸愜庭闈戀廊廡日
清曠一瓊此安宴池邇城外山濃翠撲人面煙雲莽終古倏
忽狀萬變於斯悟塵幻榮利又奚羨願偕素心侶撫景恣笑
抃情真略形迹俯仰任所便品題各揮毫秀綠入吟卷回睇
階下花深叢正摘綯

浮生役萬事形悴神亦傷豈如適我性優游飲眾香韶春淑
氣轉繁英媚晴光花開雜五色軒楹列成行佳客抱琴至角
巾共徜徉客至不常聚花開不恆芳見花復見客曷不盡百
觴酒罷樂未已攬衣仍翱翔江湖多風波吾黨興自狂淹留
日既夕月華吐遙岡

辛丑十一月吾鄉大雪高積丈許壓圮屋宇傷人甚多
時余司鐸台州台地少雪是歲雪亦有數尺同人用

坡公北臺書壁韻紀事余亦有作

園亭凍影噤鵝門外沈沈少客車大地湖山開淨域諸天色相幻空花僵眠夢冷高人宅禁體詩嚴學士家試向梅枝間消息滿林香簇玉了又

瓴甌錄 并序

台郡近多古甌宋心芝學博嗜之成癖自吳建衡以下迄於明搜羅三百餘種編次成集詳爲考證顏曰瓴甌錄馮柳東教授題詩云荒草秋墳世代遙赤城山下晚蕭蕭殘甌零落千年字一片苔花認六朝遺篆荒涼佛窟山南朝太尉手書傳永和故事分明在訪古來尋癸丑甌自注宋曹太尉勛墓甌乃其手書今已出土又台州有永和九年歲癸甌余亦題其後

云宋工書兼精篆刻曾司訓樂清不久卽告歸杜門
謝客著書自樂識者高之

蒼萃遺文手自編標題遠溯建衡年從知漢瓦秦碑外別有
千秋翰墨緣

墓門荒草碧迢迢劫火沈淪閱幾朝重與品題傳姓氏九原
遺恨可應銷

改官詩

鳧鷖小隊降心從學步邯鄲苦未工三復昌黎盤谷序出山
深悔負初衷

紅塵滾滾撲征衫墮落何由骨換凡宦海波濤深莫測幾人
安穩得收帆

撫字催科兩不勝有絃可改蹇堪乘思歸若待秋風起欲脫

塵鞿恐未能

簪筆雍容志已虛不如歸去舊蓬廬高風輸與瀛洲客萬卷

名山正著書

吾郡馮太史登府
今任甯波教授

求賢大府禮優崇刮目居然到阿蒙衮衮諸公多偉略不才
何用濫竽充

書生濟世少奇猷得就閒曹願已酬莫悵雲衢升未竟有人
平地尙淹留

既改官作歸興詩

此去眞爲泛宅行扁舟江上訂鷗盟酒從黃葉聲中醉詩向
青山影裏成高枕連宵酣旅夢小牋沿路記歸程掉頭笑謝
風塵侶圖史蕭然萬慮清

百丈雲梯未可階寒飈仍問舊生涯祇慙報

國心終負且喜還山夢竟諧書卷隨身無恙在田園樂志有人借卜居擬傍漁翁宅茗誓煙波處處佳

赤城雜詩

祖德清芬守一壺軒楹遺製尙依然登堂重認梁間字手澤

存留六十年

秋睦公司鐸臨海乾隆庚子葺學廡梁間題字猶存

師門自昔受恩偏瞻拜空祠意愴然

沈鹿坪師司鐸台郡最久台人士奉祀於祠

子舍遺書零落盡不堪回首十年前

廿年舊雨溯依依首藹休嫌壯志違

孔梧齋司訓臨海朝夕過從

杯酒深

談故鄉事便教沈醉亦忘歸

半畝空園護短牆春來消息問羣芳閉門漫道閒無事排日

栽花課正忙

古壇槐影鬱蒼蒼金碧樓臺接上方自問名心銷已盡漫勞

仙枕夢黃梁

踏春山徑路天斜勝侶招邀羽士家西北高樓簾盡捲夕陽

影裏望桃花

入仙巖在城西北隅春日游人皆於此登樓觀桃花

雙幘峯前路乍分一聲樵唱隔林聞秋陰夾徑鶴無語中有幽人眠白雲

石徑巉巖步履遲碧雲深處去尋詩夕陰欲合山光暝猶爲泉聲住少時

溫文禾

字稼生歸安人道光丙申進士官工部主事著辛夷花館稿

府志文禾儻多才藝工詩善

畫山水以大癡爲宗神韻天然
冷蘆雜識工部與余至京師同寓知其歡
場結客角酒徵歌偶一拈韻頌刻成篇

雪後游法華庵

小溪一路接桑麻著屐來尋古法華梅蕊尙餘春後雪竹鑪

新試雨前茶香殘篆影猶凝榻風定遊絲偶冒花此地清幽
人不到老僧只合伴煙霞

七月十六夜同費曉樓奚虛白戴銅士集東藏丈室步

月分韻

遠公引陶潛於此耽禪悅從之過虎溪一徑踏黃葉朱闌圍
空廊菩提蔭清樾瘦蝶隨風來點綴秋花末共此邂逅緣未
怨音塵闕大白注梨花山看雜煙蕪醉眼重摩抄中庭皎如
雪廣寒在人閒此景亦奇絕曠懷坡公言清夢時飛越但少
閒人耳何處夜無月

曉發龍溪

十里龍溪道扁舟破曉行疎鐘煙外寺殘角柳邊城宿雨濕
花信新晴驗鳥聲且酬好時節沿路作春醒

秀州野望

背郭高原迴千家散曙輝煙深麥苗長雨過豆花肥野鳥若
相約閒雲同息機柳絲偏泥客吹絮入春衣

范貞女詩

貞女范氏國學生徵潔女幼字余兄子坤及笄將嫁
而坤夭家人祕不使知逾年始告之故女欲來持喪
父諭以未嫁守志非古禮遂鬱鬱成疾曰生爲溫氏
人死爲溫氏鬼誓無他志疾旣革媒氏來告許迎棺
合葬父示以溫氏衣女視之而歿時庚子九月十四
日也年二十有二

賢哉范氏女字我猶子坤猶子年及冠家貧未成婚不幸短
命死子母俱聲吞凶耗至女家相戒勿與言逾年告之故慘

慟天爲昏素服願持喪矢志歸我門此志終未遂此身不獨存鬱鬱遽成疾淚血斑斑痕遺言願歸骨從一永勿諼摩挲聘時物一瞑歸九原嗚呼范氏女能使風教敦闡揚非女志聊以慰貞魂歌詩紀其實採風俟輶軒

張

枚

字子良號卜樓安吉人道光丙申進士官江西石城知縣

縣志枚穎悟好學授徒南北多所造就負師儒重望成進士時年已六十餘知石城自奉不過二簋終日兀坐堂皇案無留牘邑故多盜役畏不敢緝枚親率丁壯深入巢穴獲盜魁二人置之法民賴以安

贈夢松

客齋一無事手書獨晝眠忽然聞戶外足音來趫然我起未迎門褰簾君已先相見亟問訊不及宅與田吾師七十餘猶能坐寒瓊夢松尊公吾家亦無恙親友粗安全豈無平安字千里慰拳拳自對故人話比似家書賢最後及桑梓爲賦鴻嗷篇

薦饑歲爲常斗米論千錢根皮剝草樹鼠雀羅腥羶中戶鬻
妻女老羸溝壑填吾鄉素無此聞之淚淪漣此閒亦苦旱龜
拆連陌阡惟有禱蒼穹明昭用康年

丙申到家作

一笑見桑梓離鄉又八年歸逢秋大熟人與月同圓愧捧毛

公檄應慚祖逖鞭所親來慰勞黃髮亦皤然

謝榮埭

字履初號方齋照子山陰人道光丙申進士官甯波教授著定靜安室詩稿六卷

孫德祖曰先生爲余父執幼角猶及見之丰裁峻整終日不妄發一言習問先生幼學常擁被披誦達旦帳煙如墨由編修轉御史庚子充會試同考官得士十四人江蘇馮宮桂芬爲首癸卯充順天鄉試同考官得士二事鐫秩歷主山東督部環爲首一時推巨眼咸豐初坐事鐫秩歷主山東督部環爲首紹興嚴山上海蕊珠書院晚乃改就甯波教授善導養年餘八十視聽不衰蓋異人也

自顯聖寺至鑪峯

萬峰飛舞中一峰插天碧陡覺送青來如迎遠遊客花宮接
奇境忽引遊山癖老僧已會意借我一兩屐路出脩篁間空
翠落松柏濤聲鬱怒雷曲徑鑿幽僻峭壁聳巉巖望之斷行
迹半崖棄肩輿容足不盈尺快意登絕頂那復顧險窄風吹
身欲飛雲起手堪摩力奮路已窮乃到仙靈宅曲闌斷復連
孤閣架危石仰看霄漢低俯視塵寰隔繁響寂不喧開窗敞
虛白側首瞰深壑恍惚搖魂魄飛鳥過樹杪靈泉貯巖隙道
人攜竹爐止渴進玉液咳嗽隨清飈縱覽情彌適歸來煙霧
迷西嶺日將夕

延平道中

秋色淩霜老秋聲挾雨濃亂山黃葉路古寺白雲鐘渡口添
新漲城牙繞碧峯待時藏寶劍未可化爲龍

尚史松舟丈乞酒

陰雨連朝鎖遠眸
夏來渾覺似深秋
向公更乞一壺酒
醉我能銷萬古愁
廣廈庇身忘作客
有杯在手等封侯
金闈藏得黃嬌豔
真個銷魂許我不

題章立軒熊鹿圖

門對青山斷俗緣
不談經濟不談禪
但期學到無能地
便是塵中第一仙

有感

我住蓬萊已八年
也騎鸞鶴伴羣仙
分明一樣霓裳詠
傳到人閒別有緣

題李季雲侍御平谷山莊圖

恍入桃源境
忽逢花木深
山川遊子夢
桑柘故鄉心
他日如

相憶斯人不可尋爲霖民望切莫便結山林
賀監湖邊客離鄉已十年風塵淹歲月雲樹隔江天好景亦
何限欲歸殊惘然何如此圖裏巖壑落樽前

蔣

敬

字查客錢塘人著環山草堂集

鍾駿聲曰查客性閒靜好吟詠庚辛後全稿遺佚令嗣生甫孝廉披訪僅得十九首

東明山瞻建文帝遺像

僧服潛更帝遯荒江湖落影欲茫茫空山終古存遺蹟故土
於今曠夕陽望眼朝烏猶戀舊驚心飛燕莫高翔松楸日落
悲風起萬壑聲如弔國殤

巖

達

字儀吉仁和諸生

照膽臺觀漢壽亭侯印

荊州城破玉印失白衣搖櫓日無色春秋閣起玉印來虹光

燭天天爲開鄱陽老漁網中獲不敢自私三顧璞曾沐

純皇御製銘大書深刻藏韞匱陽鐫官爵陰鐫名中穿如井
方圓平建安五年公拜爵紀恩受官非敢輕隨身繫用朱絲
絡君子由來必佩玉笑他蘇子術縱橫六國徒誇佩印六憶
昔公解白馬圍如玉無玷匹馬歸作書留別印鈴尾芝泥燦
爛騰光輝憶昔降羌封將軍武侯妙語能解紛作書致問印
鈴尾赫蹶押角成紅雲珍藏已歷千百載傳國玉璽今安在
拜觀薰沐敢摩挲照膽臺高發奇彩

巖

遜

字子高仁和人官南河同知

緝雅堂詩話子高先生詩才俊逸爲西泠耆舊筮仕南
河講求行水之法上官下民咸賴其力孫曾繼余乙酉
所取士厲行敦謹不失門

風采詩之役蒐討不倦
許淮祥日同年生巖君曾鑑子高先生文孫也嘗述祖
德爲之頌仰記屠脩伯有詩贈之云快觀三株樹詩詞

各奏能落花春琢句聽雨夜挑鐺朔野初騰驥新秋正
鷹鷹漸于但疏放只可作吟朋足以狀其生平矣初任

岳州丞旋改
南河有治行

題寒林話別圖

朝來客思何騷蕭木蘭早駕煙中橈行期已迫勢難緩誰能
須友呼招招消寒日醉旗亭酒舞袖低徊小垂手可憐不待
管絃終夕照恩恩挂殘柳旁人誇我稱平官人羨我綠鬢猶
青春自知本無食肉相只宜飽啖湘江蓴衙齋聞在洞庭浹
巨浸蒼茫六百里有時瘦蛟化老漁鐵笛一聲吹月起此地
況又多橋租何妨散吏同隱夫岳陽樓頭作長嘯君山與我
兩不孤吾儕自是依食住不繫舟輕任來去諸公倘寄雙鯉
魚乃在煙波最深處愧少萊公野渡詩且奉香草歌楚辭迴
思載酒南池會粉本重摹願愷之

鍾

景

字嵩生海甯諸生官直隸東光知縣晉簡雲書屋詩鈔

邊俗禮日嵩生詩清新雋逸得力於中晚唐人居多其精到處駿駁欲上躋齊梁矣黔中諸作又逼真老杜許泚祚日嵩生文嗜吟詠尤工倚聲著有紅蕪詞海內傳鈔洛陽紙貴壯游京師援例就縣丞銓選得任邱邑瀕河宣防捍禦頗著勞勩屢以卓異薦旋擢東光令時已六十五歎日東光繁劇吾老矣謝不敏乞病歸尋卒

吳越武肅王故里

王氣東南鬱不收全江保障藉婆留錦衣樹亦霑恩澤石鏡雲猶護冕旒一代英雄能愛馬百年父老說椎牛中原易姓成兒戲莫小當時十四州

王勤垣

字蔚坡海甯諸生著蔚坡詩草

晚眺

遠望鬱青蔥天晴秋色空山逸雲共碧日落樹爭紅古寺歸樵衲荒陵上牧童儵然塵世外回首暮煙中

秋柳

颯颯西風冷葛絺河橋衰柳挂疏枝樓頭少婦懷人日馬上
征夫憶別時幾點晚鴉棲不定一聲牧笛動相思年來驛路
淒涼甚怕讀屯田酒醒詞

查世佐

字景賢號仰山海甯諸生著貽笏堂詩稿

甯鄧氏女字同邑卓生未嫁而卓生死女矢志守節
王愛園明府既表其閭復為徵詩

未嫁而殉節慘讀貞女詞既嫁而守節哀彈寡婦絲變通二
者閒鄧女節更奇矯鄧氏女甘為卓氏嫠不見夫音容往
事夫嚴慈七年如一日一日千秋期我讀曾子問禮詳未嫁
時未昏禮有服大義胡可辭慨自世風漓守節盡游移不肖
每不及賢智乃過之勿謂賢智過風教藉以維采風賴循吏

激勸發幽思不有甘棠化安得行露詩皎皎鄧氏女亭亭松柏姿

樊徐雷

字雨田號菴侯秀水人

鐙窗瑣話曹侯好作險語如暗蛩替我泣牆角窮鬼追人上塔尖讀之令人凄然不樂

廢圃

照眼一畦綠林花香到門暖蜂遊戶外瘦石臥牆根曲沼鷺鷗散前人邱壑存夜來聞鬼嘯涼月自昏昏

聞川舟中和霽清丈韻

扁舟叨竝載愛僻避官塘村市絲人集農家麥飯香岸高蘆卻短港曲路偏長荇藻湖光好荷開待捧觴

陸

瀾

字靜江嘉善人著紅薇館詩稿

讀明季稗史

兩浙軒輿續錄

卷三十六

樊徐雷陸瀾俞勇敷周光大

三

八〇一

擁戴何由到福王紛紛傀儡又登場迷樓辱井須與事笑煞
當年馬貴陽

兵過龍潭礮壓城禁中猶是選新聲官家甘作降王長半壁
河山做履輕

俞方穀

字易溪海鹽諸生

縣志方穀淹貫經史諸子百家罔不涉覽工古文詩詞天性孤峭不諧於時授徒養親不鶩榮利兄浩遠遊未歸方穀作尋兄詩悽惋動人

九日城南和同遊韻

難得嘉辰風雨稀秋光一抹認斜暉雲迷遠道江湖急霜落
平皋塞雁飛蹤迹不妨同蠟屐生涯直欲羨漁磯恰憐兄弟
年年別共插茱萸願獨違

周光大

字吉暉石門諸生著訥堂詩稿

感秋

一葉飄金井秋風昨夜生白雲飛更遠相望若爲情

朱廷錡

字同釜號適可平湖人著餘嘯樓遺稿

張嘉鈺序略先生稟姿卓犖穎悟異人專肆力於詩古文辭家庭之閒嘯篴唱和怡怡如也每春秋佳日與羣從昆弟及同里諸君登臨酬唱極一時觴詠之盛蓋肆志松雲忘情軒冕以貞素履而引喬年其所得於學者深也

閒居雜興

和風澹蕩日初長淨几明窗修竹藏揀盡來禽與青李獨摹
大令十三行

豆花初放晚涼侵葉底蕭蕭絡緯吟愛聽鄰翁談往事不知
清露溼衣襟

陸金棟

號釣人平湖諸生著唐韻樓稿

舟過南湖

萬頃碧玻瓈蘆花兩岸齊
秋深無過雁村遠不聞雞
雲水渺相接鴛鴦何處棲
蓬窗閒眺望帆影落橋西

劉東藩

字星階號心菽平湖
岷貢著硯北吟集稿

張嘉鈺曰心菽性介而和敦氣節工詩及古文書法
得香光神髓流傳至日本每託運銅船來購求之

渡太湖

萬頃煙波裏征帆一幅張
寒雲垂野黑驚浪捲沙黃
風急菰蒲亂山深橘柚香
鴟夷渺何處獨坐思蒼茫

臨平早發

自與九峰別行行盡水鄉
此閒山始見一路到錢塘
日淡蔗竿立風微菸草香
不愁關吏虐我本乏行囊

凌庚

字通元號偶山烏程
諳生著紅杏山房集

耐冷談夏夢禪自金蓋山來出示凌秀才詩其春日江
行云江水綠千里夕陽紅半巖鄭堂在座歎爲工麗

壬寅秋游碧巖次厲樊榭徵君天然圖畫閣韻

一聲長嘯學孫登如此清游得未曾壓徑竹陰濃若雨經秋
山骨瘦於僧忽看峭壁飛匡瀑大有奇詩落剡藤直上雲峯
最高處盤空不讓鳥飛能

盟鷗館

光祿賦歸田小築盤湖渚開門羣鷗來幽閒聊與語

胡衍禮

字立峯歸安諸生
著耕情詩稿四卷

胡樟行述先君敦孝友待人以誠有過好面詰責不徇
人意晚更抑鬱以詩自遣嘗語人曰吾但陶情不計工
也拙

埭溪竹枝詞

車馬街頭社會看竹邊翠袖不知寒映山紅向滿頭插誰愛

幽香谷裏蘭

陳

漁

字偶漁
德清人

湖州詩錄三編偶漁性孝友
善丹青嘗僑寓歸安之荻港

題程五經司訓悔不讀書圖

小道何足觀讀書是眞福我少質顛蒙往往逃家塾蹉跎逾
弱冠依然枵其腹困極始知學咿唔坐茅屋外物累素心簡
編溫難熟於今兩鬢華此悔終莫贖君悔與我殊萬卷破猶
讀家學湖二川愈學愈不足此意那得知深懷不同俗披圖
見鬚眉倚石溫如玉立雪恨已晚徒以挹清馥

周良邵

字友高號抑齋鄞諸生
著新雨山莊詩草一卷

董沛日先生最長詞曲悲歌慷慨有不可一世之
概有詞二卷詞餘一卷詩亦伉爽惜所存不多

讀史

中夜劒鳴缺讀書無限情江山幾豪傑今古一楸枰成敗不
容計憂傷非近名悠悠此身世何以慰吾生
歷歷興亡事英雄恨有餘人心長不死天道竟何如快意頻
澆酒狂歌欲廢書挑燈不成寐風葉戰庭除

秋風詞

秋風起兮波迴瀾采芙蓉兮涉江干秋氣肅兮衣裳單歸來
歸來兮愁暮寒水冥冥兮日將暮走江聲兮雜風雨望江南
兮隔雲樹舟人告余兮公無渡駕樓船兮送權歌思公子兮
豔綺羅明月去兮浮雲多歸來歸來兮如此秋風何

徐元第

字煜昌號玉窗又號遠香鄞諸生
著留煙稿一卷柳江唱酬集二卷

董沛日遠香負才氣與徐柳泉舍人相倡和時稱二
徐觀其所作浩瀚不及柳泉而清峭過之亦勁敵也

山陰道中

水碧沙明十里隄花船長繫柳橋西人家多住深村裏一路
野風嘯午雞

飛來峯和徐十三

我家四明稱洞天竹房松牖生雲煙興來倒騎綠玉杖徧遊
二百八十之崖巔鑿險隄幽羅萬有四窗秀削相鉤連自喜
此境不易得將欲卑視天下名山川俄聞武林有奇勝不知
何處峯巒飛墮西湖邊西湖之水淺而碧西湖之山秀而澤
攀藤捫蘿幽更幽見此便許非常格一峯搖搖欲下垂一峯
躍起抵其隙洞中石乳流涓涓吸之足以清詩魄奇頑未經
女媧鍊嗟爾山靈胡向空中擲我聞在昔摩詰畫石藏秘府
天命六丁下追取海風怒發不得上盤空怪影雲無主神仙
指點化爲峯欲下不下逗秋雨靈鷲山前選佛場冷泉流破

空無補玲瓏巖岫忽飛來至今蒼蒼猶帶墨花舞

尹嘉年

字孟再號少
橋慈谿廩生

雅宜庵卽景

小閣遠塵市清心對梵王一彎籬作界三面樹爲牆過雨看
村碧因風聞草香境幽無俗事翻覺日舒長

西城夜歸

市河微白岸生冰月照霜天玉宇澄廢壘清笳悲牧馬暗窗
故紙笑鑽蠅殘寒尙勁衣無力飲恨難消酒不勝讀史深宵
人未臥商飈颯颯動書燈

吳尊盤

字漁汀山陰人
著三雁齋詩集

涿州懷古

脣齒無援勢已孤倉皇雪憤少良謨酣歌聊適華陽館餘恨

難埋督亢圖寒日白虹天亦駭美人駿馬爾何辜姓名一假
龍門筆里巷皆知弔狗屠

炎漢山河闕廢興三分力盡渺難憑君臣魚水偏安恨疆土
蠶叢正統仍未得歌風歸沛上空成望氣歎春陵枯桑歲久
根株斷繫馬荒原感慨增

王文璋

字伯重號窗山衍梅子會稽諸生江
西升用知縣著志隱齋詩鈔八卷

吳鍊剛序略余少從舅氏緣雪先生游時窗山年最幼
稍出襍詩語特超妙往往傾坐及窗山省舅氏嶺南留
侍九載耳濡日染遂能別出機杼吟興益豪壯韻分題
當者辟易古詩跌宕淋漓滴近體清新俊逸閒情偶託生
趣盎然拘舅氏令子

爲晚近一妍手也

王藩序略余于道光己亥識君于贛州恂恂
有儒吏風屢任繁劇政聲日隆詩亦日富

祁忠惠公水晶雙印歌爲沈西霞上舍賦

沈君酷好古彝器前明法物尤縱橫邇來購得二晶印上鐫

祁公之字公之名此印流傳吾土歲月久其後遠從全氏於

四明

印藏謝山太史家

謝山旣歿復失所沈君反之曾費千經營漆

匣初開光射眼眼光直與晶光并吾思忠惠早年登上第神君所至豪民驚大江風惡走單舸立退跋扈將軍兵卽大用公嗟已晚北新關外萬騎如雷鳴公當草檄四飛日何心更以書法與彼鍾王爭此印不過文房鈐紙尾存匹顯晦亦似於公無重輕神呵鬼護璧常合要使後人見物如見公生平東南獄起子流戍四負堂空塵土傾寓園古木號秋聲呼虹幌前友石榭印乎可復記憶溪山草閣茶烟清沈君沈君須寶惜可以比之鐵如意卜卦硯玉帶生自來印人多刻花乳石此并非金非玉迺用晶鳴呼水之精公之貞

雨後同岑鏡西先生過小雲棲

東風一夜徧春城今日簷閒雨乍晴爲約南湖老居士來參
西竺古先生花香禽語都歡喜山色溪光自晦明剛值老僧
宣內典繞廊閒聽粥魚聲

柳橋爲先正義公殉節處敬誌一詩

并序

七世從叔祖正義公諱毓著字元趾會稽諸生劉忠
介公弟子乙酉六月自沈橋下事具明史本傳魯藩
監國贈檢討里人私謚正義先生有兄毓芝亦庠生
卽忠介丈夫也

因朝殉難中遙遙記吾祖抱經從戢山雄冠常起舞讀書通
大義不屑爲訓詁有時歌吹聲百面喧腰鼓忽當易姓時浙
東將納土丈夫激積綱一死非小補師眞文天祥弟豈王炎
午列傳附於劉贈官傳自魯柳橋秋烟橫綠流盡芳杜穹碑

拜行人汨羅共千古

寓園弔祁六公子二首

無多花石委榛蕪公子魂歸樹亦枯只合還招梁雪竇青燐

光裏讀陰符

謂慈谿魏明

老去還登選佛場少年零落舊詞章蘭亭寒食冬青樹一種
遺民怨夕陽

水澄菴劉念臺先生故居敬賦二首

疏陳治道最分明其奈中朝暮氣生一輩淵源傳理學九重
宵旰習刑名遂教謀國皆新進久聽歸田此老成痛哭鼎湖
龍去後錢江風浪荷戈行

半壁南都屬望深當關虎豹苦相侵河山破碎孤臣淚風雨

零丁孝子心

謂伯繩先生

廢圃黃花秋澹澹崇祠翠柏晚森森隔

江人問榕壇業大滌馨香並到今

大滌山有黃石齋先生祠

秦淮書壁

緣漲秦淮舊板橋東風簾箔暮吹簫最難作客春三月爭不
愁人古六朝欲去乍嫌泥滑滑相逢休唱雨蕭蕭落花飛絮
渾閒事話到滄桑酒易銷

鎮東閣下金夫人血影石

并序

金夫人明都督章公欽臣妻都督父方美安慶遊擊
侍郎格庵之宗也丙戌魯王監國都督爲孫督師碩
膚部將司火攻江表潰欲散其軍夫人曰散易復難
王在海上萬一詔至其何以應乃立砦會稽山戊子
軍敗被執郡守劉桓鎮將吳學禮許以官令招撫山
寨不屈夫人大聲曰男子死卽死耳毋貳心也妾願

從君死獄成以夫人年少美姿容欲留昇部下因極口慢罵命同磔則慷慨就縛遂盡節於鎮東閣下行刑馬某有褻語加以支解明日見夫人至曰死我分奈何見辱卽椎胸嘔血死其後時時降神東越居民尸祝之至今石上夫人血影存焉天陰則見全謝山有金夫人廟碑

世閒異事無過此女子忠肝勝男子一閣崔巍郡治東下有血影斑斑紅甲楯五千江不保海國丸書斷飛鳥夫妻畢命甘如飴殛彼白刃橫相欺多少降臣性無血女子之血安可滅

倪文貞公衣雲閣遺址

尙書有別業聞在城南隅欲尋衣雲閣遺址埋榛蕪公豈嗜

泉石憂國聊自娛漳浦慘不樂置酒相悲吁入朝掌會計已

當國運徂大廈竟崩折一手難枝梧攀髯盡臣節從容死燕

都施恭愍邦曜周文介鳳翔實同鄉取義無差殊

皇朝既定鼎萬騎江南趨叢山首正命於公爲師徒梅墅忠

惠彪公執友引決不須與吾家正義公桓桓古丈夫潘集周

年奮袂起慷慨同捐軀明年畫江守蝸角爭區區余公忠宣

及孫忠烈嘉積陳忠節潛夫師潰仗節俱孝廉高公岱甘自絕兩生朱瑋

徵亦非迂越州叢爾地共此綱常扶乘風歸帝側正氣眞不

孤公文遠經術不必宗歐蘇讀易發新義不必遵程朱歲寒

見松柏末世生眞儒祠堂範公像瞻拜森髮膚平泉閒草木

曾不闕有無祁公四負堂亦復嘯秋姑後人仰芳躅落日還

踟躕

狀元衙弔余忠宣公

狀元已作忠臣死此地猶名狀元里偉哉忠節聚一門有弟

亦稱前進士

知縣曾遠

做廬僅足蔽子孫絕無樓閣玲瓏起過橋

綽楔題名臣

徐尚書大化宅在觀音橋顏其門曰八座名臣

是爲大瑞真義子維公

擢第天啟初三朝要典僉壬書掛名簡端由館例具章自辯

原矚如畫江而守公起用一載小朝廷若夢城亾授命渡東

橋報國無能抱深痛越中魁鼎輝後先公殊不幸生季年我

經舊第常留連忠臣豈藉狀元傳難弟首陽苦節堅諸家紀

錄當采旃

邵子湖邵念魯等集

公蒙

聖朝諡忠宣馨香俎豆出

賜田城東祠對清冷淵臣祀還應配六賢

羅門六賢祠康熙中建祀劉公念臺

黃公眞長倪公鴻寶施公爾韜周公儀伯祁公世培

寄舍弟闕天

季虎才傳少小名年來應讀父書成不愁四海無知己直把
千秋許此生走馬看花它日事聯牀聽雨古人情何當歸楫
乘潮便同向明湖載酒行

西臺弔謝參軍

黃冠不歸魯公死生祭者誰鄉進士西臺一變涕淋漓南爲
厓山北柴市紅羊罹劫白雁來六陵隧道妖僧開遺民但稱
甲乙丙江南枉自求遺才參軍高節嚴陵續無可如何石碎
竹唐衢阮籍彼何人不及傷心此場哭秋風冷落冬青枝尙
有石塋藏公尸天地閒留啼髮集黍離麥秀招魂詞

重展亾室殯宮感成四首時將北轅

五載幽宮兩度過澹金題字在前和北邙何日安黃土南浦

逢春慣綠波善病自緣爲客苦不才眞覺負卿多
萋迷草色

渾如舊拍徧傷心巖露歌

前著悼亡集一卷

青衫無術洗儒酸遠道歸來意向歡
綳裏嬌兒新入塾
鏡前慈母健加餐
湖山跌宕奚囊富
賓主纏絲夏屋寬
只是幽明難問訊
泉臺眠食可平安

扶胥渡口木蘭舟昔日曾爲桂管遊
行李盡煩親手製風波

先替客心愁山圍榕樹青雙角

前在桂林寓榕樹樓下

月照楊花白一

鉤畢竟生離非死別魚牋重疊寄妝樓

偶作微官轉自憐京華衝雪路三千
固因覓食勞征鐸尙想營齋藉俸錢
比翼烏飛高隴外銷魂人立斷橋邊
解維不忍恩恩去空若生時淚泣然

論詩

杜老江關太瘦生香山忠愛見歌行後人強欲分時代作者
無非道性情金谷春穠花鳥舞玉階秋冷草蟲鳴若從貝葉
參微旨蒲褐中閒夢亦清

敬題先六世叔祖助教公遺像 并序

公諱龍光字幼譽明季殉難正義先生從子會稽庠
生客范忠貞公幕下康熙十三年靖藩耿逆亂作公
與無錫嵇公永仁華亭沈公天成忠貞弟承譜俱被
幽繫十五年九月遇害當事爲公等請贈部議生員
無贈銜例四十七年忠貞令子時崇巡撫粵東再爲
疏請乃

敕贈國子監助教學正有差竝范祠配饗雍正閒以忠貞及
公等入祀昭忠祠備載

皇朝文獻通考一統志諸書公在獄時著養花說一表賦詩
五十餘首今惟百苦吟坵刻留山先生抱犢山房集
而它作無傳留山先生子卽大學士文敏孫卽大學
士文恭公嫡裔靡存爲可歎也

閩海遭兵燹家風見典型依人雙鬢白罵賊一衫青擲筆應
寒膽逆屬公與嵇公
草偽撤不爲屈餐羶不毀形屏嚴屈戌垣壁和零丁

慷慨常看日淒涼竟實星畫圖如竹瘦祠祀仰椒馨異代遙

相感請正
義孤忠合有靈族子有謀賣祭產者獨病祠下
見公以杖擊其臀次日卽病死贈官

恩破格餘幅坵碑銘

邗江夜泊

青鞋無計混樵漁慚媿朱門又曳裾李鶴齋觀察
留住三日小閣燈昏

風定後大江潮落月明初身如逐客隨桃梗家有藏書飽蠹

魚前去更愁鄉夢遠飄飄孤艇入淮徐

惜香女史爲河東君畫虞美人小卷藏羨雲明經處酒

閒示客因題三絕句但不知惜香何人也

日映芳叢最後開黃蠶紫蝶漫相猜美人自具英雄氣特爲
虞兮寫照來

臨春結綺草離離愁絕靈和柳一枝無奈東山愛絲竹只將

紅豆種相思

小朵如囊綽有情惜香兩字尙分明好教畫院傳雙絕澹掃

秋眉憶下生

吳門見下敏畫爵卷彭甘亭題句云似爲伊人寫秋照藕絲冠底澹眉痕敏玉京道人妹也

感家仲瞿先生遺事

琵琶絃急淚雙揮

先生下第道經穀城集琵琶伎蔡項王墓有詩三首載瓶水齋集中 穉穉名

場壯志違何遽罪言傷杜牧

座主吳公薦先生有異術請發川楚軍營効力奉旨交刑部

審訊連鞠十七次可應新體黜劉幾才人好異魔難遣名士
覆奏賞還舉人先生遊黃墩悅一禪寺竟將住僧逐出攜眷居
隨緣佛亦飢焉又嫗一妓同寓短主簿祠卽所謂團扇夫人
也者賸有零星殘壁在煙雲都向碧空飛集所著有煙霞萬古樓
若干卷藏于家待

讀 國朝諸家集各繫一詩凡十二首

禾黍傷殘託興微遺臣哀怨似公稀薦才大有程文海那得
還家尙白衣吳棣邨或謂棣邨之出
乃姻家素庵相國所招也

白雪樓高蹟已陳變爲清秀勝于鱗畫眉深淺隨時世妝束

依然古美人王阮亭

摹仿先從字句求中年數典足風流騷壇積習工標榜何獨

輕遺翠滴樓朱竹垞康熙辛酉檢討副焉太史雲驢典江
南試翠滴樓集十二卷卽太史所著其詩亦有

風格而不得挂名曝書亭集中蓋爾時以鴻博入詞館者
與科目頗齟齬或詆爲野翰林其意氣不同自可想見

王叔璋

一生蹤跡徧天涯垂老纔看上苑花古體似蘇今體陸與長

蕭叟各成家

查初白

太史爲竹垞檢討中表幼弟從游最久檢討論詩尊唐卑宋而太史一以蘇陸爲宗

古人之自立如此

漁洋門下競奔馳手著譚龍獨闢之五字長城堅一面失驚

秦系用偏師

趙秋谷

祇知殘錦割江淹誰識才人自律嚴有个冬郎爲榜樣不曾

清節污香奩

黃唐堂

中允篤信朱子之學備見文集

南渡風流七百年殘膏賸馥彙新編偷將冷字饒新趣鐵板

唐詩便不傳

厲樊榭

要爲詩家辨正聲別裁僞體最分明天荆地棘推高唱眞覺

才多累士衡

沈歸愚

性靈句好誰能匹遊戲詩多儘可刪若向夕陽摹粉本春風

紅豆徧虞山

袁簡齋

附驥名高氣象殊，崢嶸坡谷辨香俱。平心細玩藏園語，半是

英雄半腐儒。

蔣心餘有謂太史均隨園而名益彰者語似太苛或嫌其詩有乾隆中蠱卷氣則不能免也

妃青儷白豔生香，花樣翻新擅勝場。平世雅崇臺閣體，明明

鍼繡度鴛鴦。

吳穀人

撐腸書卷不須多，疏雨梧桐句若何。漫向天廚誇玉食，菜羹

滋味在調和。

吳澹川

洪典史歌

典史誰姓洪，氏名漳，字裕堂，家越之項里，流外官，初入仕德

化典史爲

國死四年甲寅春二月日丁巳賊自西來烽煙陡起大僚共

商非走奚恃典史獨慨慷，苦諫不能止賊兵，揚揚入城市，手

拔鞞刀相角抵力詘被擒斷雙指大罵狗奴求死耳賊怒殺之棄屍江水我兵奮追賊眾披靡得屍於江但失一履大僚探知贊歎無已

卹典優宜祠祀越東鄉親歸其妻子典史何等官贍畧乃如此聞平時敬桑梓仰慕江陰閻典史

閻亦紹興人

弋陽謁謝文節公祠

團湖戰血化青燐卜卦橋亭涕淚頻
遯跡祇緣家有母捐軀
休道國無人求賢詔本由卿相
卻聘書應泣鬼神江上兩山遙對峙

謂文節國信

國信 稜稜風骨見孤臣

隨羅羅山觀察赴弋陽作此自嘲

聊復從軍學王粲往曾投筆慕班超
剖羊傳箭雨風驟繫馬入轅星斗
搖量彼赤眉無去路有人白髮共來宵

李雲厓大令後至

老生徒詡勤時畧攬鏡頽然壯志消

自訂詩稿成題句於末

傾囊幾及二千篇消得功夫四十年世事浮雲堪莞爾美人
香草轉悽然心經參透慈悲佛手板拋來散漫仙後有子雲
難預料去留須要自家編

俞廷賜

字半農上虞增貢
著蘿巖草堂詩稿

曉渡黃鱔湖

煙靄淡濛濛朝陽躍海紅雲低天壓樹湖闊浪春風平野見
飛鳥孤邨出釣翁踏舟如葉小坐我畫圖中

金崇梓

字繡林黃巖諸生
著聽蟬樓詩稿

王承弼序畧繡林詩初名聞樂草堂稿兵燹後居古槐
里破樓數間積書千卷朝吟夕詠遂改今名又據我集
十卷如搜神諾皋所言皆
鄉里怪異之事今已佚矣

兩浙輶軒續錄

卷三十一

俞廷賜金崇梓姚匯奎

吳

八川文

五峯山訪余雲貝不遇

獨上山南第五峯峯迴路遠石重重懸崖雲合迷飛鳥絕巖
風高吼臥龍日落深林青障密牆敲古寺碧苔封入門先叩
幽人跡慚愧闍黎一笑逢

澄江晚眺

不斷澄江水滔滔自古今潮流隨曲折村樹共浮沈小艇衝
波險孤帆挹浪深斜陽人獨立散髮試長吟

姚躔奎

字聚南號雲帆永康歲貢

解蠟

秋日雨初晴淫淫走蟲豸博雅爲蚰蟻莊子名螻蟻渺小行
不疾咫尺若百里隔爾一粒山躡足上嶮嶮阻爾一拗水淩
巡延河溪引入盤盂中當先往染指俄而紛紛來聚眾若遷

徒厥性最饕餮舍此遽及彼迺謀輦而歸稊與嫌低低迺約
戴而行鼈頂不足恃虎欲兼狼吞一飽不復止主人適陳饋
陡然投箸起此乃先生饌胡敢分甘旨屬鑿雖無多鼠竊得
毋恥蟻聞而衰如意若曰否否蚯蚓曾稱廉虛生亦可鄙鳴
蜩但飲露牛騷果何以我食不爲泰古聖重蟻子爾徒飽終
日恐負雕蟲技今但分一嚙噉噉何聒耳蟻說良足思莫空
負寸晷

陳

乙

字振雯一字小政號藝閣
平陽歲貢著風研齋存稿

鮑臺撰墓誌鳳研齋詩雄奇跌宕恣肆縱橫
不專主一家而於新城精華集獨有神悟
孫仁照序畧藝閣性耽吟游鮑石芝門朝夕討論
多所裨益又與黃生雲谷相善由是詣日益進

大雪放歌

連朝雲葉垂蓬蓬凍禽塌翅嗁尖風嚴寒昨夜絲欲折曉來

雪片飛漫空須臾羣山插玉笏門前盈尺荒畦封琪花瑤草
在人世瓊樓玉宇指顧同雲之君兮紛來下儼駕白鹿驂霜
鴻霓旌羽蓋相擁護誰其侍者雙玉童顏色熒熒美無度松
筋鶴骨方兩瞳授我白玉杖直上峨嵋峯齊州蒼煙橫九點
日車朝上扶桑東便乘六氣游太素雲閒汗漫相追從玉京
五城十二樓千門萬戶交玲瓏瑤水流浩浩銀河瀉淙淙璇
宮貝闕互掩映琳瑯珠玕高籠嵒白榆歷歷不可以悉數但
覺二十八宿恍惚羅心胸瑯嬛虎守玉函燦天田龍畊瓊粒
豐白麟伏可擾玉鳳馴可籠更謁東王揖西母亦隨浮邱訪
赤松雲中玉女粲啟齒笑我下土何愚蒙閉門僵臥類藩鷄
乃敢決起騎白龍空齋蹋壁醉夢久剛風吹斷空中酒醒
吟罷雪亦止宵來訪戴推煙篷

樂府雜詠錄三

文成死

文成封飛廉桂館高龍搃文成死神仙不成巫蠱起巫蠱何紛紛泉鳩涕沾巾如何病已坐黃屋戾園惡諡甚矣酷

并子三

入水斬長蛟登山射猛虎鄉里諸父老從此無所苦并子而三何有哉遂尋二陸入吳來一朝旌拂涇陽樹効節居然光竹素吁嗟乎文章高譽滿東洛秋風空憶華亭鶴

淮陰歎

登壇大將驚一軍定齊破趙生風雲手扶隆準作天子沐猴而冠何足云丈夫磊落眞王氣相面封侯相背貴亦知烏喙難與共安樂其奈食人之食事人事功名羞與絳灌同惜不

碎穀從赤松蛾眉謠詠雉朝雉鐘室烹狗藏良弓君不見翠
華歸聘園綺彭越已醢黥布死沛上歌風思猛士爲守四方
竟誰是

席上作歌呈范碧溪先生

白日如驚丸晝夜不肯閒上週青冥一氣之高天下薄汨沒
萬仞之虞淵魯陽揮戈苦無力誰遣六龍暫擲羲和鞭鳴鳩
乳燕春欲晚空山落木秋風寒人生百年夜分半明鏡不覺
凋朱顏羨門高逝不可見秦橋駭浪流潺湲請君聽歌且勿
喧世閒萬事如流泉作賦不須逢狗監奇計豈必誇鄧先惟
應沽酒日行樂老婦勿慮囊無錢青州金露琥珀色清者爲
聖濁者賢酒樓我我糟邱邊鴟夷交臥紛相連李白陶潛作
知己相與拍浮有如渴驥奔長川中山之釀千日醉樓頭月

落枕股眠莊周胡蝶蘧蘧復栩栩後軒前鞋俱茫然君不見
赤縣茫茫走士女豈知勤儉一生苦人生富貴能幾時王侯
將相皆黃土別有乾坤是醉鄉桑榆須打回颿鼓

夢游廬山歌送楊寶田歸江右

我聞匡廬山山勢何巖嵒下瞰九江水上有五老峰九十九
瀑落空際玉淵潭水流淙淙夢中飛度潯陽郭遙望香爐煙
漠漠高士陸靜修邀我游虎溪蓮社往跡不可覓但聞雲裏
青猿嘯踰千盤經百折欲俯川湖捉明月風吹絕壑流丹泉
紫芝自覆瓊田雪攀蘿直上窮七嶺譬如怒隼翔寥泬屏風
九疊望中開圓峰左右兒孫列石梁縑屬不易行猿猴欲度
轉愁絕鐵船二龍誰與乘慕仙何從問丹訣金雞大叫失所
在徒想參差金樓與銀闕平生邱壑心驚起悔難別有美一

人兮佩珊珊江湖漂泊仍西還我欲從匡君汗漫游雲間佳
期渺何許悵望不可攀

月夜石門觀瀑

烏尾畢逋江月吐山木蒼蒼宿貔貅洞口初入聞雷礮不知
飛泉在何許須臾側聽寺中鐘驪珠躍出當秋空磊砢峭壁
見流素青天倏下白玉龍冰輪漸高景逾別乾坤一氣同澄
澈崩雲駭霧淡欲無玉井銀河渺相接風來噴薄散珠璣寒
光照耀生清輝疑是元圃夜玉積不然丈室天花飛深潭瑤
草相映碧恍惚雲中來羽客我欲從之吹玉笙所惜西崖墮
桂魄十年幾度蒼山來此夜此景何奇哉人閒明月處處有
須照名山傾酒杯長嘯一聲答山鬼祠前颯颯寒飈起下巖
一笑臥煙篷潺湲枕畔聞流水

爲葉湘民題徐文長燕子風狂圖

岷峨萬里江水遙奔流西下長山椒臨江危磯號燕子上游
突兀爭金焦石罅江流轉磯底登臨可以窮秋毫山陰妙思
入畫本攀挈願陸提僧繇大江浩浩渺無際深秋搖落風怒
號介鯨吹浪一千丈強弩忽射錢塘潮虎蛟躩踞水兕遁海
若股栗天吳驕百靈或乘風駟下霓旌翠葆紛飄搖巨石龍
嵒壓崩濤日沈山鬼嘯嗷嗷萬壑秋聲戰羣木畢逋烏尾鷺
盤雕宏濟高閣莽蕭瑟泠泠時送鐘魚飄披圖宛游白門道
吳頭楚尾橫鮫綃我聞長江古天塹青蓋入洛開南朝龍蟠
王氣久銷歇黃塵碧海悲蕭寥昔者江南開府處官橋楊柳
垂煙條銅駝一落荆棘裏永嘉南渡如昏朝年來汀洲宿鳧
鷺名山建業空岩堯憑弔國殤過戰地青燐唧唧鳴寒飈金

陵佳麗冠天下，煙江久擬橫。
輕舸何時酒，酣臥崑石起。
看江月霜天高。

題航海圖送華松生往臺灣

我聞大瀛海外以環九州，裨海內絡之百川，匯交流周之職。
方夏禹貢有如一芥中央，浮河伯海若，漫相笑螭蛄，豈足知。
春秋蒲城才士號魏緣，平生三絕比鄭虔。天台雁蕩兩攜展。
紀游巨集人爭傳，丈夫壯志凌八極。浙水越山嫌偈仄，乘風。
快作萬里游，酒思吟情蕩空碧。三月渡閩江，孤航去金門。梅。
花洋東天水黑，澎湖嶼畔雲濤渾。蛟龍風雨螿，蚋蠅烏兔東。
西相吐吞朝潮夕汐裂地肺，巨鯨奮鬣晴晝晦。殊域煙島羅。
參差紛如墨點空，青內丹青好筆情。倪迂爲寫一幅航海圖。
令我展卷眼花眩，醯雞入罍良可吁。自從明季風塵起，遂使。

庸奴竊邊鄙羅平妖鳥一朝盡百年炎海無泥滓邇來海成
已停罷小醜蜂屯旋奏凱海天縱經烽火餘城郭人民無恙
在頗聞佳麗甲閩鄉君今此去聊相羊紅蓮幕裏好名譽況
復結交多老蒼高文久羨屠龍手定有作賦繼木張歸來聽
取述溟渤乃知鄒衍九州論辯非荒唐

黃青霄

字雲谷平陽諸生著吟香舫藁

鮑臺序略雲谷夙慧過人借陳君蔡閣問業於子蔡閣
詩宗法阮亭縱橫馳驟跌宕自喜君詩不主一家而緣
情綺靡和聲被紙有俯仰揖讓之容無鉢腎鑿肝
之苦體製各殊其實異曲同工皆詩家之正聲也

擬古

漢京極宏麗半是王侯居夾道度樓閣出入朱輪車咄咄嚴
子陵桐江作釣徒茫茫古與今逃名更誰如

擬白馬篇

白馬產代北，箛雲善馳驅。少年盛意氣，金勒美且都。朝飲新
豐市，夜歸誦陰符。有時南山獵，霹靂鳴雕弧。有時談形勝，畫
地成畫圖。隸名冠軍營，拔擢出泥塗。一夕羽書至，長牘辭妻
孥。身上黃金甲，腰閒雙鹿盧。酣戰何爽颯，誓欲吞匈奴。杖杜
古所詠，王事勉征夫。立功當少年，懋哉七尺軀。君看班定遠，
封侯在斯須。

永嘉夜航呈石芝夫子兼與王薌林話舊

星斗落孤篷，深宵萬籟空。長波一片月，短笛二更風。流水年
華似浮名，感慨同布衾。眠未穩，不覺曉暎紅。

壬寅四月卽事

澤國羽書至，旌旗耀日看。將軍思刻石，戰士快傳餐。海日明
金甲，江霞映玉鞍。願將太阿劍，計日斬樓蘭。

鄒志初

字菽原號粟園錢塘人道光丁酉

杭郡詩三輯栗園耽學經史與鐵樵仲虎兩兄自相師

朝

友詩古文詞力追唐賢矩範甲午充優貢

能留京師歸而謀徒晚選西安學博造就甚眾

輯雅堂詩話墨稼齋於潛雜詩十二首徵引頗富

臨清謠

朝泊臨清暮泊臨清三朝三暮人聲水聲

上牖用縉出牖如箭水足牖開呼聲如雷漕船去銅船來

道耶帥耶截流而噪者尙衣之吏耶

王節婦詩

韓氏女王氏妻訂婚姻年未笄天無情夫也死女驚聞淚盈
背聘已定當終身何判別鬼與人請于歸執婦禮素車來觀
者涕夫雖亡舅姑存代夫職供清溫夫有弟教誨之撫小姑

如母慈日復日二十年誓且且聞黃泉夫讀書名士覃居歷
下城之南竹柏松女節同我作詩告采風

北墅

北墅當衝衢十里接城堡候官設河干迎賓極煩擾朝聞大
官來供張戒草草下吏晷以趨喧走雜輿阜昂然升軒車光
采眾目表屏息肅官儀譙訶辟前道大官年幾何三十顏未
老富貴本無心偪人亦大好吁嗟道旁人覩此傷懷抱榮華
眾所希置身須及早

北墅絕塵蓋十室九讀書塾師遞授受經訓乃蓄畚冷巷闕
無人長者此卜居門敲雜井臼室陋編茅蒲莪我方山冠擊
節歌唐虞青燈味尙永白髮顏微癯長者年幾何八十頗有
餘傳世富述作安穩棲田廬吁嗟抱道人豈爲榮祿趨百年

正鼎盛吾其垂令譽

蔡烈婦詩

決絕復決絕，拌死何須說。荏苒待喪終，麻衣慘如雪。夫亡無子婦，有姑兩月新。婦成嫠居，從夫一死。婦事畢，姑在君死留。斯須抽刀，刀氣腥。拔劍，劍光瑩。婦志誠不移，姑言泣且聽。無兒主祀，心骨悲。有婦持喪，魂魄定。一日復一日，一年復一年。二十七月終，淚盡眼欲穿。淒涼形影空，帷下望望身難同。石化此時舉，動少周防。此際神情獨閒暇，破鏡塵昏罷理妝。粉匳孤鳳斷，釵梁一簪猶贖嫁。時物磨筭欲刺翻，徬徨由來節烈皆天性。簪乎我生寄，此命一寸簪。留血一滴，截金早使柔腸迸。暗裏吞簪人，不知從容泣。別戀姑慈，若非衰經終喪日。早是泉臺見面時，嗚呼古來烈婦誰如此。割耳投棺握玦死。

海枯石爛誓不渝清風淨洗蘭江水

待月

夜色涼如此囊琴不忍彈娟娟美人影相望碧雲端梧徑淨
如埽竹風吹自寒殷勤邀一盼倚徧曲闌干

武林新樂府

東園昔日富景多

地本南宋富景園

香風十里圍綺羅於今地僻少

冠履比戶軋軋聞鳴梭機上何所有杼柚勻分縉幅幅多留
茜草痕絲絲勝出柔荑手闌干卍字橫復斜往年新樣人爭
誇邇來龍團禁勿著惟有蘭菊芙蓉花一日千回織五日剛
成匹碧綠與青紅脫機好顏色製作何如宮錦坊小裁稱體
縫人量略嫌輕薄比蟬翼難與局價爭低昂價不爭昂衣論
料欲買請看機上號年年利市三倍贏禱神爭賽軒轅廟

東園

機

嘻嘻咄咄嗝不已猛燄騰空霎時起人聲慘咽鬼亦哀束手
無術回天災壯哉爾民真好義鳴鉦各各如飛至前驅高纛
領隊行衣上大書義民字長繩巨斧百丈梯或昇或負或手
提一人騰身掀屋瓦以繩縛梁墜繩下四人持斧倒屋柱將
倒護頭還用斧餘人併力拽一繩萬瓦齊踣牆亦傾火光壓
倒威燄死高架龍頭噴以水水氣火氣相合并化作白煙天
不紫眾力既盡火已無焦頭幸免遭無辜觀者股栗哭者驚
魂蘇角聲歸路吹嗚嗚吁嗟乎彼義民者烈丈夫義民集

青春百鳥鳴高枝鸚鵡比翼相追隨罡風忽攪雄飛去滿地
撲朔嗝孤雌嗟哉節婦節淚盡心頭血共命無巢腹忍飢張
口呀呀向誰說玉環楊寶世所稱合謀棲託情其矜不使冤

禽沈碧海聚將寡鵠守青燈青燈照見孤鸞影粥飲茶湯盡
成哽結作蓮房顆顆空安來苴席牀牀冷北山有網羅南山
鳩鳥多雪霜徧大野何處覓高柯一椽且共懷清住寡女絲
縈朝更暮無波古井不生瀾苦雨酸風幾年度難得尋常百
姓家松筠節操盡堪誇紛紛地下心多懣開徧堂前旌節花

清節
哀

吁嗟黃口兒爾亦人何爲腥臊徧體面目無人形蜷曲癰腫
瘍在身頭不生髮口不掩脣滿頭蠕蠕眞作蟣蝨臣吁嗟黃
口兒爾生不知父不知母拊之畜之遂落他人手飢不乳哺
寒露肘怒罵棄擲無不有人言兒苦苦莫當我願爲兒添口
糧朝一溢米暮一溢米乳婦有慈心飽食相料理視兒如兒
兒亦喜誰歟斟酌成良模石麟抱送嘒呱呱

黃口
兒

泛舟餘杭訪沈子衡

鈞

丹楓夾岸如醉顏扁舟搖曳菰蒲閒漁兒踏波身偃仰牽夫
背客腰彎環出港直達禹航路對面不見秦亭山壺盧之橋
故人宅望望柴門水一灣

題念臺先生人譜後

理學逮明儒姚江別宗旨或云守良知實用遺踐履峩峩劉
夫子講學擷粹美胞與有深心隔膜敢同視欲盡人其人忍
聽彼哉彼作圖訪太極證人如證己功以體獨先學以作聖
止過分六格標念戒一塵起

認過法有云忽有一塵起如以風吹落如此數番勿忘勿助

此靜攝身庶幾復人理心性大牛殊橫逆禽獸比立論七篇
同堪號活孟子我思公平生直言屢遭毀完人有完局大節
徇一死馬阮亦戴頭靦面不知恥世人肉譜譜誰復念及此

予與伯兄別二十年矣今春予隨宗伯師行抵長清之
張夏鎮適伯兄亦來迎謁使車歡然相敘同宿行館

次早登車告別後奉懷四律

錄二

二十年中事從頭細數難家貧逢歲歉親老幸身安門戶支
猶昔賓朋聚亦歡惟憐廡下客淪落一儒冠

絮語不能已離愁暗自傷微名嗤白蠟尾運比黃楊期我前
程遠終難素志償登車各無語雙轂轉迴腸

高學沅

字伯蓀號小垞鳳臺子仁和人道光丁酉舉人官內閣中書著不秋草廬詩集

養自然齋詩話小垞舍人七歲詠新荷云搖風卷葉多
爲鄉先輩所賞後人書畫舫吟社分箋選韻長于體物
詩稿爲兵火燬去僅傳其都中憶筍云不知鑽故紙齋
簡有餘味薺花云白排密似江頭樹倒攏如水面萍

可稱
精細

青師招集文室用樊榭韻

吾生苦能穢禪悅味頗愜重尋澹社約更仿香巖帖雲陰日
忽斂雨意句已浹荷香散蒼林簷影搖貝葉剎那二十年游
蹤幸可躡絕頂不厭登坐秀兼遠堞高空倚闌楯萬境於此
攝層嵐山舫浮積翠峰屏疊宗鏡衍眞傳詩證參慧業與客
證團蒲提輿復鳴屨

橫翠樓餞春

春歸詎無期登樓幾流眄恰有峨眉人復書橫翠廬

王少海司馬

翠痕亘浮嵐一面聳晴巘層巒襯單複眾綠界深淺隔隄見

雲峰峰畫屏展簾額列東西依然朝暮卷憑闌人易老歎

息流光轉灼灼將離花紅白清露泣逝者不可作

少海司馬已歸道山

今古寄遙緬敲枕且看山

捲簾敲枕臥看山東坡三月二十九日句也

酌酒聊自

遣從知春更悲中懷苦絀縑特傍水仙祠重岡一杯餞

杏樓招看桃花用厲韻

春水連漁艇春光滿鴨闌未隨三月浪猶勒一分寒晝掩重
門早人尋古渡難東風莫相笑明日尙來看

西湖上冢曲

天涯處處皆芳草綠燕似報春山老荒冢蒼茫半沒煙棠梨
遍地無人掃寒食雨清明晴城南城北肩楹盈紙錢灰飛白
似雪杜宇慘作悲嘯聲魂兮魂兮安所止幾家已作若敖矣
清猿長嘯狐狸眠悽悽惻惻悲風起吁嗟乎翠柏蒼松塞墓
門豆羹麥飯薦一罇鶴歸華表徒空望名姓知誰萬古存

白櫻桃花歌

料峭東風寒食節深閨撫景傷離別背人不語立當階櫻桃
花放白如雪吹香渡水報信來玉梅教向旁邊開封十八姨

妬不得北樓一枝破萼纔青青楊柳休空憶素豔也列羣芳
國縱然未許露精神滿院梨雲失顏色君不見綠飴紅雪樂
天詩流鶯舞蝶商隱詞花榮花謝尋常事惆悵春光無了時
有正味齋詩集

梅村以後見斯人隻手能扶大雅輪包并宋唐成格局調停
花月費精神乾坤獨厚文章福朝野難忘杖履身姓氏千秋
香一瓣驚才端合讓詞臣

頻羅庵詩集

釣遊久占武林城風雨謳吟過此生扁戶齒能逾毫臺歸田
眼便小公卿才逢疊韻思常捷句反游仙調又更不奏鈞韶
霄漢上詩名翻覺遜書名

壽花堂詩集

良會琴臺迹已非殘編字字走珠璣滿門高士榮經席一代
才名讓布衣山谷體裁工變換杜陵格律得瞻依青瑣坐嘯
催頭自益信知音世上稀

許誦恆

字少琳海甯人道光丁酉舉人
官長蘆鹽運使著壽石齋詩存

家傳略少珊幼稟庭訓弱冠卽有文譽道光辛卯以優
行貢成均丁酉登賢書辛丑考取內閣中書以勤奮從
公擢侍讀京察一等用府道維時定邸繪息肩圖徧徵
同人題詠少珊與焉某御史劾定邸凡繪圖題詩者均
鑄級有差厥而復起游至巖使光緒丙戌重游泮水學
使長沙瞿公贈矜式者英匾額時年七十有九尋卒

戲題羣盲評古圖

問渠日何形渠言扣槃聞其聲問渠日何光渠言捫燭差相
方問渠生何世渾沌未分已墮地問渠讀何書好古何嘗須
識字商彝周鼎創解高暗中摸索紛誼呶畫師下筆睨且笑
世上於今多爾曹吁嗟乎爾曹墮暗如黑漆多言尙敢肆猖

猴可惜時無巨眼出直爛千秋合咋舌

古戍

荒屯慘澹舞飛鴉此地防秋舊建牙
壁壘青埋窮塞草髑髏紅泣戰場花
弓形天半猶彎月劒氣星邊已落霞
盡道通侯金印好十年辛苦聽鳴笳

古寺

是處岩巖紺宇孤疏鐘延客踏秋蕪
松株西向根清淨碑影南朝字有無
倦鵲歸巢投佛頂飢鼯攫食走僧廚
達摩去後筌蹶在遺壁誰參骨相臞

擬東坡自金山放船至焦山

金山絕頂白雲覆我共雲來與雲宿
雲開月落天雞鳴東望焦山遙在目
一笑辭僧出門去放船聊與風波逐
片帆甫張

已巖岸重踏白雲上山麓修竹何止千萬竿密陰遠映寺門
綠老僧拍手喜客至導我荒廚啜藜粥澹味嘗來心境清絕
勝下方巖梁肉願常來往隨高僧金山焦山雲繞足

高錫蕃

字伯驥號已生烏程人道光丁酉舉人官嚴州教授著朱藤老屋詩鈔

家傳略已生由嘉慶癸酉拔貢兩中辛巳乙未副榜與
歸安張珍泉齊名博涉強議長于駢體劉公韻珂撫浙
時舉為詒經

精舍學長

王慶勳曰已生才華豔皀現名場浙東西談文藝者
莫不驚服而阨于遇晚歲始得鄉舉咸豐丁巳余攝陸
守君適權郡校其所著哀感頑豔排

惻動人雖境之所遭亦情之獨摯也

孫德祖曰余總角已聞先生詩名苦未得見同治初王

未彝觀察以所梓同人詩錄見胎凡十家先生哀然居

首乃快讀之七律入選尤多佳句如駱駝云千里葡萄

羌部落一叢荆棘晉山河茂陵云一封天雁孤臣淚百

尺泉鳩愛子阡攝湯溪校云殘石碣猶秦劇縣古衣冠

似魯諸生東阿云好色不淫猶近雅有才無命卻全身

讀賦山堂詩集云身原如寄何妨客窮到能工欲謝天

吳紅生侍讀本事詩云古佛皈依偏善病美人遲暮易

爲恩過周宗伯舊邸云王謝客來誰主客幽并驥老尙
風塵每一流詠口齒輒三日香其紀事七律十首五代
宮詞七絕三十二首戰國四君詠
五古四首傳誦于時文多不備錄

題陳秋穀同年

長孺

西溪夢隱圖

孤夢落江南霜風撲衣冷九曲沿溪流四山弄雲影放棹入
深際漁火一星炯羣動正繁囂到此萬慮屏隱隱聞疏鐘遽
然發深省方春西子湖山容秀且整垂柳復垂楊添寫雲鬢
靚美人渺天末羈抱百憂併鐙影故幢幢琴心長耿耿夢境
不可尋俟諸異日請我亦憶舊游十年家鷺嶺雲霞有深契
一一探幽領秋雪交蘆庵良夜燭還秉煙盪碧波長月斂遙
峯靜爲賦招隱詞鷗邊冶笈簪生計乏良田天涯逐萍梗慨
念身世閒豈少風塵警湖山有責言願力苦不猛人海亦幻
耳不幸遠鄉井願君決歸計毋徒充畫餅

送仲弟自越歸

此去涉江濤風虐公無渡游子客中身高堂夢中路

丁丑十二月二十一日出都宿長興店作

燕山憑眺幾登樓跌宕名場可自由千里津梁疲遠道殘年
風雪逼征裘升沈人海誰能悟寂寞鄉關我欲愁數到下弦
弓挂月不須惆悵大刀頭

書明興平伯高傑與史閣部手簡後

米脂健兒能作賊曲子相公司黜陟兵符遣鎮小朝廷如豺
如虎披猖極偏留片紙閱滄桑大義居然光翰墨甯南跋扈
何爲者風帆飛渡江流直痛飲難儕岳鄂王援師豈類文信
國是功是罪未分明江山半壁成荆棘此簡覩縷百餘言畏
闖縱闖無可飾乃至耄荒作戎首責以叛臣論非刻

皆簡中
貴甯南

詞
咄爾天良未淪喪願提一旅安反側金壺蘸筆何淋漓英
風奕奕猶堪識可惜維揚作穢墟大將旗鼓慚顏色梅花嶺
上有全臣年年夜月鵲唳黑

歸舟有悼

去年歸共木蘭雙一翦柔波瀉到窗可奈湖光依舊綠鴛鴦
飛去不曾雙

支離病鶴空留骨漂泊垂楊不算花說與九原應慟哭王郎
今日又天涯

冬夜

布衾似鐵五更寒排遣悲懷大是難漂泊勞生長鼓鉢崢嶸
後起盡彈冠飛龍出骨如人瘦旅雁孤鳴帶雨酸一曲商歌
誰識我南山終古夜漫漫

麻葛達刺佛像歌

蝙蝠掠殿松撐門，切利天中容彼髡。美人占易寇非婚，狒狒
來食狼則吞。具此觀河醵面痕，空花直斬優曇根。我來訪古
悲至元，西僧蠱惡方策存。演揲兒法旋乾坤，興于其祖亾其
孫。有尸猶當磔之楸，蓮幢膜拜誰爲恩。飛來峯巔佛像蹲，楊
連罪亦難具論。可憐六陵風雨昏，明月不照珠襦魂。

甯波道中雜詩

水色荒寒浸斷虹，鷗聲搖夢過江東。曠來問渡三家店，換卻
烏篷上白篷。

隄畔濃鋪十畝霜，木奴纍纍自成行。扁舟羨殺園官課，一路
風吹綠橘香。

舊城雉堞接新城，人物千秋俎豆爭。此老胸中萬兵甲，莫將

心學咎陽明

海門波浪激重巒秀削風神頓改觀擬把山光比詩格浙西
清瘦浙東寒

鱗次梅洋估客船寶光炫耀五都塵篋中我有驚人句擲與
波斯不值錢

越城紀游詩

府山有文種墓

臥薪決策亦堪哀走狗誰知禍已胎我笑大夫開漢獄不如
美女殉蘇臺潮生潮落成千古狐搯狐埋總一抔試上鍾山
高處望隔江霽淞打蒿萊

戒珠寺本王右軍故宅

戴山煙霧鎖空濛青豆房開屐齒通龕佛已消陳代火巖花

猶染晉人風不知塵尾拋何處應有鵝池界此中可惜纖兒
傳五斗家居壞卻燕巢空

澄波坊爲方千舊里

城東十里漾微波中有幽棲澗與適名士卜居都愛越詩人
下第後推羅寒山峭壁於今在古巷斜陽奈汝何野草不知
憑弔恨青衫猶染淚痕多

青藤書屋爲徐文長別墅

藤枝詰曲比龍蟠側向天池漱急湍騷士例搜奇草木吟魂
猶肅古衣冠眼前邱壑經綸易世上簪纓兀傲難歎我依人
更潦倒文成白鹿倩誰看

寄內

一樹薔薇泣露光樓前春去已堂堂休聽梅子黃時雨好護

蘭花夢裏香，願我浪游成。晚晚勞卿扶病費，思量青山尙有歸耕地，看鬢彈琴願亦償。

夢裏

分明團坐話家常，猶是當年淡雅妝。夢裏不知花影幻，秋來漸覺月痕涼。牽牛約豈償今夕，化鶴歸猶戀此鄉。擘盡藕絲千萬縷，生憎不作返魂香。

上巳日劉燕庭觀察招同韓季卿韻海飲於嘉蔭移長

歌紀之

前年餞君西子湖，朔風獵獵颭菰蒲。玉手亂擊青珊瑚，今年訪君三月吉。鳧翁未放春波溢，驢市斜街黯落日。去年我亦登燕臺，麻衣如雪韓生來。先容示我索題句，墨痕和淚零瓊瑰。是時君方走秦隴，馱鈴遙帶鶻聲哀。身行萬里家廿口，穹

碑尙載羸餘灰松楸種罷驅車去闔闔門開雞唱曙我與韓
生得遇君茫茫身世同飛絮轉轂俄驚三四年萍蓬蹤迹總
隨緣白髮對花空有淚碧波撈月幾能圓何況雲霞變朝彩
二十五年人事改八窗洞達仰天看居然落落晨星在去我
之日已往不可留我生之日轉瞬同浮漚中年哀樂苦不止
東山君爲蒼生起只憐此屋間人多殘書半作紅蟬窠風雨
欲來君奈何君歸東海君何有我悔北來肘生柳韓生韓生
知爾能傾百斛酒愁來祇遣杯在手今日不飲明日難人生
有幾悲復歡揮手春明各努力安得駐顏萬顆紅霞丹

吳慶坻

字德方號芋田榮子長興人
道光丁酉舉人著靜籜詩鈔

縣志慶坻淡於進取惟以著
述自娛家無儋石澹如也

感遇

野潤嘉禾生土燥苗卽槁如何幽室中茁此青青草既無雨
露滋不識風日好託根非其地經秋爾亦老

江毓荃

字異齋德清人道光丁酉舉人著清溪山麓詩集

府志毓荃潛心程朱之學造詣純粹著有讀朱階梯湯庵文集

題宋小茗廣文著書圖

海內純儒妙解經高年著作墨流馨三春桃李環鱣舍一卷
風騷溯鯉庭天遣成書消永日世留宿老煥文星何時遠放
桐溪擢麈尾清言絳帳聽

戴福謙

初名芳字貽仲號琴莊德清人道光丁酉舉人著種玉山房詩集

感逝集詩錄貽仲爲銅士仲子自伯與季相繼卒獨貽仲在慨然以門戶爲己任銳欲得科名以亢其宗用力制藝兼工吟詠

閒居雜興

調鶴閒臨水看花一倚闌有時邀月飲無事借書觀谷迴鳴
虛籟山深透早寒劇憐名利客朝夕跨征鞍

雜詩三首

古人重實踐功自養蒙始八年入小學首務習容止灑掃勤
幼儀應對愼然唯未令近文翰先教遠華士本根既已培乃
可涉書史今徇世俗見往往失斯旨懲誠夙未聞輕俊徒自
喜縱佚日以生舉動輒踰軌品概未足欽文藝胡可恃遂令
聰穎兒陷作浮薄子處則愧醇儒出亦忝膺仕教術一不慎
流風乃如此願持區區心相與商一是

讀書豈求多所貴有心得明經必致用勿徒誇弋獲簡策動
萬言棄取在定識執古不求通無乃爲古惑介甫泥其迹貽
誤在堅僻苟揚得其偏紛爭喙莫息是非鮮折衷博涉亦何

益吾儒貴多識先在審所擇志實心仍虛乃得精辨析涉獵
究何爲尙其勤乃力

詞章固小道亦足理情性古詩三百篇歌咏得其正兩晉迄
三唐風雅可云盛或以淡泊稱或以溫麗勝要之質與文所
貴兩者稱性靈日以汨浮華從此競博雅固見才所戒在餽
餽不見香山詩老嫗亦解聽

伯兄以雜懷詩寄示次韻

冷落秦臺一曲簫愁腸難割恨難消悲歡有境皆成夢貧賤
無才不敢驕斯世炎涼情易測經年離別味偏饒男兒識字
多貽誤那禁遺議到採樵

借許少珊誦恆登陶然亭

疎雨歇平林薄陽媚韶景言尋樵子蹤裙屐共游騁路曲修

蛇盤山明晚妝靚虛亭敞中央萬象此管領爽氣西南來羣
峯擢青穎流雲變長空孤鳥沒無影俯視村落閒田疇開井
井憑欄共徘徊飛翠撲衣冷黃塵十丈中誰爲闢斯境願捐
熱惱懷相效靜者靜

曉發阜城驛

豈爲聞雞起輪囷亦太勞荒村人迹少殘月馬頭高曉夢驚
霜杵輕寒逼緼袍秋聲聽不斷落葉滿平皋

施英楷

字式之號蓮伯鄞人道光丁酉舉人官景甯教諭著笙亥堂遺稿

縣志英楷性峻潔意所不可無少假借應禮部試有巨
公方主壇站邑紳修葺書屬設贊見之輒謝不在母病
徹夜侍側兄弟早世撫其遺孤成立工駢體文詩格雅
近劔南晚歲習相地書嘗謂傷曾之書與周子太極說
相通云

輓樓義士客樵

義士名籍鄞人道光辛丑英夷陷甯波憤恨投水死

旄頭一夕寒芒爛將星夜落如飛電少微黯黯亦無光處士
何人塞天變吁嗟樓公烈丈夫葵心耿耿無時無一片句餘
好疆土坐視羊犬生羶汗誓將一死逐河伯不忍同生並賊
奴假使專征印懸斗事勢不支呼負負從容扼吭全吾守又
使守宰城社封羽書告急倉皇中致命遂志古則同不然荷
戟從軍士虞殞歌殘淚如泚溘焉肝腦塗疆壘而公局外奚
所求汨羅千載同悠悠草野猶然知効命志雖愚兮義則正
發不恤緯本眞誠童能執戈皆至性他年梨棗溢幽芳此時
桑梓生恭敬大江東望雲模糊拍空雪浪馳天吳後者種前
者胥騎駭有客相追驅嗚呼樓公烈丈夫

蘆花

淺渚荒涼逗嫩寒幾叢明滅亂前灘新霜皜皜匳相映夜雨

蕭蕭絮作團，蟬蟻扶來聲。郭索鷺鷥飛，入影迷漫二分煙。水
渾無際，輸與幽人帶月看。

謝申烈

榜名蓋號琴山，山陰人。道光丁酉舉人。

家傳畧：咸豐庚申，蘇垣戒嚴，巡撫徐莊愨檄公赴浙乞
師。浙撫王壯愨留辦文案，積勞成疾，因以不起。未仕時
主講東臺之西溪書院，垂二十年。勤於講授，士以科目
起家，入詞垣者及門居多。嘗集朋儕，開西溪吟社，流連
觴詠，論者高之。

一簣山房夜坐呈魏默深先生

細雨疎燈語夜深，酒邊真氣未消沈。忌才熱淚崎嶇路，用世

奇文慘淡心。

時以海國圖志屬校

至竟蒼生關宿抱，最難紅袖解聯吟。

名山循吏俱千古，湖海飄蕭感不禁。

餓夫墓

并序

餓夫彭姓，字了凡，因闖亂棄諸生從孫。夏峯徵君於

蘇門或授之粟不食遂餓死嘯臺之旁徵君題其碣
曰餓夫墓歲久剝落家弟澤客輝縣與邑人重封其
冢而新之作引徧徵題詠因賦是詩

乾坤白骨撐寂寞四顧何處堪立脚嘯臺一片乾淨土餓死
青山良不惡平生學道骨力堅此腹肯受旁人憐烏鳶狼藉
等閒耳千秋毅色輝林泉蘇門高高喬木拱立懦廉頑最神
聳行人繫馬尙低回下有蕨芽青滿隴

清況

詩渴渾忘夜欲闌自烹活火試龍團高枝鵲響月初上暗逕
螢飛秋未殘手有丹黃娛我老眼無青白任人看年來適志
惟清況只憾蟲沙劫退難

題青藤道人雙芍圖

并序

圖中墨芍藥兩枝題六言一絕云芍藥揚州第一瓊
花又道無雙集翠罈供眞賞如逢西子毛嬙詩意或

別有寄託耶

先生數奇才不偶只有翰墨不脛走櫻桃館裏一揮灑翠罈
直壓黃鸞斗何年訪勝煙花天揚州芍藥眞嬋娟含顰欲奪
西子寵解語不讓毛嬙妍毛嬙西子誰復見卻寫花容當人
面花耶人耶總莫知紙上東風香一片我後先生三百秋騷
壇常拜孕山樓漁洋月且頗精鑿底事雅俗勞吹求帶經堂詩話云
予向喜青藤詩久乃君不見英雄悲笑向誰吐天池光動青
不然只是欠雅馴耳
蚪舞淋漓旁溢只餘情破帽殘衫自千古
櫻桃館孕山樓天池皆在青藤書屋內

池水

一雨活池水幽軒增晚涼世人心自競魚我樂俱忘低映花
枝重新浮苻帶長未妨過夏日瓢飲足徜徉

褚元益

字牧皋山陰人
道光丁酉舉人

孫德祖曰褚氏世以儒術授經郡邑先生尤擅文章兼
以書賦名門下多知名士惜遺著盡于燹退接博訪不
能多得也

冬青行

東南王氣天所鍾佳氣蔥鬱乃在之水東珠襦玉匣藏龍蛻
六陵終古偁攢宮北軍卷地疾風雨趙氏河山無尺土犬年
羊月讖先成清明麥飯誰爲主杜鵑淚血蘭上亭叫出林唐
姓氏馨莫問鐙檠與朽木天章寺亦栽冬青冬青花開白于
雪東風料隋南風熱蟲羸湖瀕廿四堆芳草年年同一碧

莫炳垣

號椿亭會稽人道光丁酉副貢官定海訓導

贈葉小湖司訓

翩翩丰度迥超塵到處和光到處春大有熱腸憐世態乍聞
情話見天真酒因興劇雄無敵詩爲才多妙入神恨我十年
知汝晚聯牀今夕且相親

江肇城

字選谷桐廬人
道光丁酉副貢

桐溪書隱集退谷性簡淡好游名山水若耶四明苕溪
天目無不攬其幽勝愛聽松聲云他日得營草堂勝日
聽松意者太古之遺音耶友人袁世紀拓取惠山李少
溫聽松二篆贈之君狂喜歿時年七十餘貧無所有陶
器單衾而已有集五卷及瀟碧樓雜錄仁知名士流
詩云老友桐廬江退谷聽松讀易道心生誰知名士流
離死我尙來爲訪戴行嘗
評其詩云山水清音也

朝陽書院夜歸

縣僻餘幽境蕭然入野蹊煙昏連樹暗雲重覺天低山勢危
凌屋鐘聲冷度溪歸來深院靜梧葉亂鴉棲

獨山卽事

山在縣北二十里

細雨溼如霧白雲低在溪山高絕飛鳥村遠尙聞雞荒砌古
苔蝕野田春草齊老僧行未返鐘發覓歸蹊

山房卽事

雲近樓添嶂山高樹易風古藤崖欲絕野竹路成叢意倦邀
僧話心閒與釋通春深猶未覺此地少花紅

禪意

能空成佛也非難坐上蒲團地便寬天使西方開一派卻教
煩惱變欣歡

宣聖言仁四海周慈悲祇解一身修若知清淨全生法憂懼
何來沈隱侯

持齋嫌俗參禪誕疎曠何妨愜性天白社能容陶靖節正如

琴好在無絃

家居

雅愛吾廬好由來樂意存老饕疏食健寒臥布衣溫公事未嘗至野夫相與論秧鉞方刺水風景喜迎門

良友勤深契有時自往還材疎何所用心在未能閒文格爭相究詩鈔各就刪英流盡年少吾老喜追攀

沈

照字燭門秀水人道光丁酉拔貢官平陽教諭

府志庚申照陷危城中賊將脅之去堅不從平居詞意溫溫至是忽瞋目誓曰我亦職官願從賊乎子應繙庠生同死

於難

冷齋無事追憶舊游復疊原韻

閒蹤曾到上方留望裏晴湖爽似秋小艇半遮堤岸柳夕陽多入晚鐘樓奔泉涑水摩崖隸披絮香山覆邑裘歷歷風光

在心目冷齋憶遍舊時遊

最愛前峯月挂枝僧房幽興少人知倚牀自度三更曲遠壁
俄成疊韻詩餅飶生涯分淡味梅檀香氣自晴絲勝游欲覓
新縑寫好手何來老畫師

陳長孺

初名丙綬字保障號秋穀歸安人道光
丁酉拔貢殉難著偕隱草堂詩集十卷

重九後一日湯海秋郎中招同人讌集萬柳堂有阻不

至賦酬

未免肝腸苦莊騷一種才碧蘿山鬼語黃葉酒人來老屋疏
於畫斜陽冷到苔鷗蹤飛不去惆悵復裴裒

月夜過慈仁寺

我愛慈仁寺飄然踏月來鐘聲涼入夢松影落成堆不俗便
離垢能詩真辨才煎茶何處所大好坐莓苔

禪榻疏如此商量借遠公秋心千縷碧佛影一燈紅但少琴
爲侶端宜鶴作童四時清淨意久與阿師同

晚步偕萊仙作

將花未花早稻秀欲雨不雨秋雲涼老夫心事復誰識要替
亂山留夕陽

爲沈翼孫題傀儡圖

逢場竿木樂偏眞優孟衣冠寄此身造化偶然亦遊戲可憐
強半局中人

鮑西岡先生詩箴歌

此得之麻肆者面鐫詩箴三字并先生自作銘辭均隸書

西岡子清而豪飢鷹奮翅殊矯絕明遠往矣存風標道腴堂
開耽吟癖閒居拄笏殊道遙先後出爲雉城令詩人作吏無
氛囂案牘事了官多暇瓜皮一葉撐吳舫遍揆古蹟訪名畫

歸從下箸沽村醪衙齋置酒急選客丁儀

者王維立

夫相招邀

姚合兄弟

玉裁昆季

盡珣樹罨畫溪邊長停橈更向西冷揖老宿

金門

謝樊

諸公皆才髦興來得句共叫絕通眉長爪揮仙毫

宦囊不豐詩篋滿奚童負卷如牛腰制器盛詩曰詩箴矢箴
魚箴同堅牢譏成銘語鏘諸面嚴家餓隸神彌超是體當出
冬心叟風前筆虎驚飛跳百年以後落余手俗塵五斗爲之
消三十骯髒不得意天使奇句攻無慘閉門長嘯聲振壁野
鶴淒唳寒螿號黃塵眯眼復誰語古人不見心怱怱方今

天子正聖武太平音樂鳴簫韶文教昌明被寰海寶劍不挂

彤弓橐偶然整旅殲醜類

時海氛未靖

行見奏凱平荒要下民在

田逢樂歲歡喜齊獻康衢謠箴也箴也我負爾爾何不近紫
金之魚袋爾何不依鸛鷖之宮袍五陵豪貴盛裘馬華堂紅

燭明豐貂倬直餘閒付歌詠自公退食從金鼇洞房連闌共
位置黨家酒美蒸羊羔爾亦不患風霜饕餮也餈也爾何獨
歸菰蘆抑塞磊落之奇士櫻鞵桐帽何飄蕭與爾終朝爲伴
侶琴絃遂譜兼茶瓢虛舟欲泊不得泊浮沈人海多風濤疏
鐙如菽冷屋角離悰永夜旌搖搖仰天大笑忽奇快青雲爲
我翔層霄小儒齷齪良堪鄙錙銖計較爭錢刀不然亦抱兔
園冊三家邨畔紛嘲嘈天生我輩儻有用幾時溟渤秋盤鷓
適逢瀟落詎足怪行將歸去安蓬蒿吾鄉夙稱極樂國鷗盟
鄭重呼漁樵爾縱不脛亦能走天涯到處隨游敖新詩寫罷
藉爾守筆牀硯匣時周遭餈也餈也我終不負爾我將攜爾
看盡五湖窈渺之洲島我將攜爾踏徧五嶽峩鬱之山椒

偶得古錢一面曰日入千金一面曰長毋相忘錢閒有

八柱卽洪志所載千金錢也按初氏吉金所見錄亦載此錢下有大圓似辟兵錢狀此錢無圓正與洪志相合喜而作歌

舊譜昔載千金錢錢閒八柱周迴旋古鑑亦稱星文繞如玉
珠珠連連形制悉與辟兵合但少大圓輪外懸厭勝品繁
無常類以此爲冠誰能先鬱拔縱橫見古隸吾家驚座豪當

年一金合得一斤重金多毋乃譏不廉吉羊文字伴漢鼎

有文日日利千金者

日有萬倍

亦厭勝錢文

求盈廛名韞利鎖那得脫今之

視古當皆然揚州騎鶴飄飄去囊空我亦思腰纏佩此奚啻
獲倍蓰同心縷細方空穿長毋相忘本殿瓦後宮八區都蟬
聯合歡鴛鴦或其屬相思夜夜殊纏絲長門雨滴梧桐落秋
來羅扇悲棄捐銘詞藉以誓終始君王夫嬪同因緣漢家墟

社久已屋凋零十二遺銅仙天長地久空如此淒涼無處尋
釵鈿假作錢文猶是意人閒恩愛俱堪憐離多會少負窗約
春歸幾度嗁紅鵑何況閨閣復工怨顰眉深坐垂珠簾苔錢
如繡荷錢小綠窗窈窕懷嬋娟一回摩挲一棖觸古香可掬
離悰添此情欲訴無人訴蟾痕射屋三五圓上清童子恍能
語銖衣擺岩來翩翩

偕吳秋伊山人

詠之

登窰臺作

萬綠渺無際邨邊與郭邊山如名士畫秋是酒人天埜徑都
環葦斜陽尙咽蟬登臨觸鄉思一步一纏絲

雪齋野步

踏雪城南路飄飄已四年凍禽爭語客枯樹不藏煙水抱孤
村屋山明一角天紅衣誰把釣夢近畫溪邊

贈黃樹齋通政丈典試江南

水色盈盈不斷流，征袍旋換秣陵舟。
六朝風月吟邊界，半壁江山畫裏秋。
擊檄定饒名士句，乘查重約使星游。
丈戊子先新詩儘許添佳話，朱十當年逸韻流。
竹垞先生於康熙辛酉會典江南試

城南

悽絕城南路，秋風瓦礫邊。
愁生黃葉雨，夢冷白蘋煙。
我輩有千古，人生無百年。
如何不歸去，峯翠正蒼然。

餘芳園坐吟香樹作

亭沼迴環綠樹遮，吟襟疏散契煙霞。
敗荷經雨瘦於葉，荒葦搖風涼欲花。
落落吾生傷逆旅，茫茫塵事感天涯。
幽棲依約清茗好，一桁峯巖最憶家。

星齋絳庭招集怡園話雨小酌疊韻

曲曲池亭淺淺流閒鷗蹤跡幾番留萬株煙樹織成畫一片
溼雲飛作秋好句合追金谷會仙人安得赤松遊蹇驢慣爲
談詩到可似當年訪戴舟

暮春客邸寄懷故園諸友

芙蓉塢影傍城蕪回首觚稜認玉湖風淡淡時人蕩槳花深
深處鳥提壺無多裙屐聯吟社大好煙嵐隔畫圖愁絕故山
猿鶴怨可能歸夢入菰蘆

歲暮書懷

疏燈如菽夜修修未免羈孤憶舊遊千里斷鴻天外樹五湖
涼篷夢中舟看山處處逢青眼對鏡年年負黑頭西北闌干
心咫尺關河迢遞隔高樓

尺五莊雜感

邨落端宜作畫看
吟邊記取綠闌干
鴨頭水活吹都繻
驢背風疏
宕不寒
草草心情
振觸易茫茫
身世別離難
天涯何限
蒼涼感付與閒亭一釣竿

谿上

絲絲水楊柳
點點雪鷺鷥
窈窈煙際船
漁遂破曉吹
我以有聲畫
畫此無聲詩

葉潤臣同年見贈賦酬

開窗卻見片雲流
客思蕭蕭幾處留
鴛夢涼圓蓮葉雨
蟲絲低語豆花秋
儘多篇什各持贈
大好溪山聊臥遊
一樣名韉拋未得
何時青翰共扁舟

王引孫

字仲伸號小竹鎮海人道光丁酉拔貢官桐廬教諭

董沛曰先生工書法與其父師竹先生有義獻之目同治元年朱以香侍郎特疏稱其孝

廷旨發往江蘇以知縣用
力辭不赴人皆高之

大雪

老樹枯似鐵一夜花忽開
花開不復落風吹入亭臺
檐低壓白玉徑仄埋蒼苔
之子隔遠道相思人未來
孰與貰疲驢古寺尋寒梅
門深幸自掃爾我無嫌猜

偕洪少泉茂才遊桐君山

桐江之水清且漣桐君山峙江西偏
桐君一去不復作我來訪古陟層巔
蒼松翠柏夾道路幽禽怪鼠紛無數
巖腰時見白雲環山頭絕少青桐樹
山頭絕少青桐樹何處是君棲隱處
憶昔子陵釣江汜羊裘一著傲天子
州以嚴名山以桐地因人重誠如此
豈知君比子陵高千古不留真姓氏
洪生舊是四明人年年採藥桐江濱
導我遊筇攬奇秀爲我征衫消

俗塵我生不願求神仙但願長結芒屨緣桐君一去不復作
斯遊吾亦樂吾樂富春江上多好山歸途重訂尋幽約

申江客舍贈張二竹坪

賸水殘山此一隅萬塵煙火隘通衢每因歧路增悲感忍看
流民入畫圖游俠傳中誰郭解計然書外有陶朱客廬幸結
同心侶日試新醅擁地鑪

王兆森

字夢坡桐廬人道光丁酉拔
貢就職直隸州州判殉難

秋日感興

九月疏籬菊有花西風池館拂朝霞每於闌外延詩思且向
樽前念歲華晚近功名譏小草浮生蹤跡似搏沙江山半入
風塵裏獨撫青萍幾歎嗟

徐雯

字雲石永嘉人道光丁酉
拔貢著蕙桐花館詩鈔

庚子歲暮都中雜感

故交落落使人愁，三載京華歎倦遊。
投贈愧無青玉案，飄零欲敝黑貂裘。
思歸我自悲王粲，草奏人誰薦馬周。
入世升沈百無定，獨將詩酒傲王侯。

由居庸至岔道

古鎮淩邊郡，征途歷戰場。
樹深禽語雜，石亂馬蹏忙。
山勢依城轉，河聲入塞長。
幽燕時極目，佳氣鬱蒼蒼。

贈董嘯盦同年

丹穴有靈鳥，節足鳴朝陽。
羽毛自珍惜，五色成文章。
凡鳥坐踰墜，自顧難頡頏。
頡頏嘯盦子，嶽嶽人中鳳。
矯矯辭故枝，翩翩來帝鄉。
奇光紛采麗，雅奏鳴宮商。
胎息追正始，淩轍輕漢唐。
余亦耽奇嗜，苦吟如寒蠶。
於世百無補，對之心徬徨。
願當

結高契雲路同翱翔

雙

成

字就園杭州駐防滿洲正藍旗人官至西安副都統善聽雨軒集歸田草

緝雅堂詩話杭州自順治五年册立駐防以來其將帥類皆敦詩說禮故著籍者代有達人近年瑞文端之相業浙人士至引以爲重若宣勞疆場則就園之王寅防海乍浦甲寅奏捷西甯戰功尤著然且治軍之暇手不釋卷逮于引年林臥壓裝惟有圖書古昔儒將風流仿佛遇之是可慕也

送碧岑報罷南歸

毘毘春風莫歎容且凭尊酒訴將離好藏斫地劔三尺贖取
驚人筆一枝歌嘯因心眞磊落文章與命苦參差河梁送爾
休回首乍可西湖泛總宜

夏鳳翔

字子儀之盛子錢塘附貢江蘇候補同知箸愛日山房詩鈔

丁丙日子儀濡染家學詩畫皆有聲於時嘗鐫小印曰詩接父傳畫承母教蓋紀實也初以部郎奉母入都卽丁艱南歸改官入晉一權河東監掣同知旋改省吳門

兩浙輶軒續錄

卷三十六

雙成夏鳳翔

奎

八二一

古詩

泰山寰中尊一氣吞海隅浩浩黃河水今古不少殊聖人久
不作大道無隆污驅車過曲阜林木青扶疏流連不忍去遺
範能追慕峩峩泗水橋佳氣何時無始知六經外可以無一
書

高岡極鳴鳳滄海潛神螭靈物不出世託體各有宜巍巍金
馬門漢代多官儀君王自堯舜臣當皋與夔伊尹耕莘野三
聘乃就之太公後車載方爲帝者師安有糞壤地纍纍陳尊
彝

雜詩

門前清溪水曲曲流寒漪散髮坐溪上手把青竹枝恬鱗潛
深淵香餌非所思巨魚掉頭去吞鉤毋乃癡物物適其性天

地胥生機儒者談胞與網罟非仁慈所以嚴子陵定垂十尺
絲羊裘去大澤枯坐瀧中磯

大兒解吟詩講求到六義一女學塗鴉一女甫識字鐙昏夜
未央我乃顧之喜須知人生樂不在縈朱紫從來功名人馳
驅幾千里家室各一方何異中道棄獨客聞斯言實下數行
淚

挂劍臺歌

東阿城外河流曲道是延陵寄高躅故址千秋不可尋斷碣
模胡苔蘚綠當年公子聘徐邦錦帶吳鉤上國光腰下連環
動明月掌中蓮鏐起清霜盈盈秋水凝爲質君子佩之占大
吉側身四海少知音與子相依勿相失徐君好劍真英雄卓
哉炯炯明雙瞳相印兩心成默許千金一諾不言中歸來宿

下河車車系金 夕三二
草蕭蕭白贖有松楸作寒碧賁約無人負約難爲劔酬知甯
愛惜我從三月辭錢塘匣中寶劔凝寒芒諸侯席上幾回宴
更無特識誇魚腸結綠青萍同寂寞古來才大皆高閣擲向
虛空化玉虹有時還作飛泉落孤舟斜日泊張秋掛劔臺前
一再游拂拭龍泉思往事黃河不斷古今流

吳門感懷

杜公夔府感新秋我亦江南動客愁句踐闔閭皆霸王名山
大澤古揚州蕭蕭平野天低樹冉冉斜陽人倚樓太息浮生
空撫髀那堪歲晚臥滄洲

過江人物意飛揚裘馬輕肥照路光畏險王陽眞孝子輸邊
卜式已中郎低頭幸未依人庶披髮還當下大荒願祝殘宵
天不曙儘多好夢足黃梁

十七日作

自古誰無死悲哉姓氏淪斜陽墮西嶺今日我爲人

常州夜泊

毘陵綠水暗生潮淺草沙頭住畫樓客邸送春憐遠道篷窗

中酒破無聊叢祠門掩空風雨訪海烈婦祠不得入玉帳宵深動斗魁

出處艱難愁不寐故鄉南望路迢迢

陳元祿

字抱潛號小鐵桂生孫錢塘人官直隸

杭郡詩三輯小鐵少負奇氣天才亮特以縣丞分發直隸

隸升臨山知縣攝唐山靜海數邑經畫井井吏畏民懷

嘗取姚武功詩今朝知縣印夢裏百憂生之句顏所居

日夢百齋可以知其心跡矣同治癸酉大吏屬修直隸

省志卒於局瑞安孫琴西衣言馬平王少鶴

錫振靈川蘇虛谷汝謙爲點定其詩刊行之

俠其奇豔殆不可于入開求之

李慈銘曰丁戊舟車集蒼古老成感時
紀事之作奇峭深遠極似道山學杜

穎巖先生遊太山歌送蘇虛谷

汝謙

省其世父山左之

行

玉笋金瑄珊瑚柯美人欲醉朱顏酡
黃河滔滔向東去客心西上何蹉跎
我初識君在蕭寺銅街雙屐頻相過
不懸黃金鉤不佩白玉珂白雲之室
青山阿新詩裁裁高一尺奇情怪
語何紛羅一聲玉笛萬花落秋心
戛戛梧桐窠布衣痛哭動天子十載
狂名已青史莫邪爲鈍鉛刀銛被髮
長歌渡湘水君不見瀛洲飄渺多飛
仙手弄毛錐拾青紫朝來伏謁富兒
門苦策疲羸去如駛又不見長安狹
巷多少年不折花枝折花藥酒痕
鐙影迥如雲一片幽魂呼不起白髮
黃金次第催嗶嗶自約花前死前者
離觥後者癡蘇子聞之一笑耳天涯

遊倦思故鄉手挈詩囊向東指太山之雲何童童雲中三百
青芙蓉仙人倒控蒼山龍鸞笙鳳籥聲玲瓏紫衣玉斗蓮花
幢玉清歸去天鏡碧先生奇興將毋同左攜劉伶之酒榼右
挾李白之詩筒平明起登日觀峯扶桑曉日輪囷紅天風浩
浩吹此胸哦詩拍手天爲空僕夫在門馬騰槽我歌此曲心
嘈嘈側身東望青山高

鳳兒曲

鳳兒隸旗籍字人未嫁繼母欲改聘他氏自詣都察
院牒訴事得白咸豐初元事也欲爲一詩未成今補
之

女牀山冷雛鸞哭冬青一樹垂垂綠孤館秋深襟袖寒
擲笛閒吟鳳兒曲鳳兒家住鳳城偏十九娉婷未嫁年
添綫常縈

慈母恨學書惟倚阿兄憐傳家刀劍官驃騎女兒亦有英雄
氣白紵休歌暮雨孃紅絲早繫微雲墜玉關一去信沈沈雁
杳魚稀何處尋碧玉有情愁變計黃金無價買初心可知後
母恩情薄東牀更坦便便腹深閨盡日鎖春風那有黃衫憐
小玉消息潛傳黯自傷蜂媒蝶使太猖狂未妨妾作枝頭露
祇恐郎悲陌上桑秋風吹瘦芙蓉面慵鬢朝朝淚痕泣鸚鵡
飛來一紙書鴛鴦翻破千秋案惻惻哀詞動

至尊柏臺痛哭遶

天闈薜蘿合伴羅敷老不許西施別贈人紛紛桃李羞爲伍
春來只向風前舞爭說淺寒竹節堅誰知出水蓮心苦長白
山高雁叫秋芳名傳徧舊林邱踏春試上明妃冢芳草青青
空自愁

寄周澹巖幽居

徑仄少人過蕭蕭生薜蘿青山當戶遠黃葉閉門多阮籍惟
宜酒陶潛許放歌科頭倚秋樹幽夢正婆娑

過門樓胡同悵然賦此

西江夜雨響鳴鼉慷慨冰天遠荷戈讀史敢爲親者諱論文
眞覺感恩多十年雁斷無書到萬里人歸有夢過留得荒涼
行馬在夕陽西下一悲歌

余于益陽湯郎中鵬有知己之感其卒也余還里門未
獲撫棺一痛人事愆促遂已七年偶檢舊篋得公名
柬悲裏振觸不能無詩

鬚眉袞袞照山川我欲神遊漢魏前狂態驚人時欲舞大言
如海不能填縱橫長短三千卷明月清風五百年一掬靈均

大招淚何時親酌楚江邊

暮秋懷人雜成長律

風雨甘陵夜沈吟讀寄書談兵歌哭後多病死餘壯志紆
長策勞身走傳車勒銘濡大墨端爲爾躊躇

馬平王少韓戶部錫振時從軍

西粵

早朝簪筆罷危坐思沈沈吾道不孤寄斯人竟獨吟初心同

鶴嬾孤抱入山深大雅期君作空憐萬馬暗

仁和邵位西員外懿辰

番禺令妻李孺人哀詞

并序

咸豐七年十二月海寇陷廣東孺人死焉浙人哀之

爲作此詩

灼灼羅浮花湛湛珠江水
我我夫人城咄咄奇女子
不逐鬢眉生獨鬢冰霜死
昨讀屈均書如觀魏收史
腥聞不可觸怪

事那有此悔矣不可追彼哉何足齒悲惟一撫膺怒欲兩裂
背蛾眉扶大節鳳翱翔高趾氣作山河高心維風化始甯無
兒女情爲雪丈夫恥慷慨平原頭淋漓霽雲指豈惟沒世稱
合作千秋祀吾欲酌寒泉悲歌爲君起

高

鴻字小雲仁和諸生
官廣東興甯知縣

黃劍序畧小雲任齊昌令懲豪惡除盜賊
決疑獄息刁訟退食之暇以吟詠自娛

齊昌紀俗詩

城池開自晉咸和萬壑千巖一帶河聞說鄉風似江浙小南

京號果如何

邑有小南
京之稱

閒尋保障到城東黃嶺峯高夕照紅遙望和山好脩禊從來

樂事古今同

和山岩有曲水前令
視枝山曾脩禊於此

天樞闕外小藍橋滿眼清光秀色饒四面山巒圍吠畝幾家

下世車馬系金
村舍雜漁樵

天樞關在北門外

觀瀾門外是西河估舶征帆向晚多行到解橋風月好誰家

正唱采茶歌

觀瀾是西門

洪清麒

原名昌豫字石生仁和本增生著延秋月館詩集

漱霞仙館譚萃石生詩斷句如秋柳云殘月曉風詞客夢孤煙落日漢家營花綠輕薄隨春盡樹儘蕭疏得氣

清海上雜感云十里笙歌人境外萬家燈火疊樓中皆可誦也

病中放言

祖龍火書籍圮上一編出黃石祖龍燬金鐵博浪一椎飛白雪儒生驅入坑中埋紛紛楚漢多奇材高漸離之擊筑徐夫人之匕首技雖疏膽如斗能令一世之雄倉皇下殿走亡秦者胡斯言豈誣尙爾阿房宮建咸陽都尙爾童男童女五百求仙東海隅長城萬里祇爲他人圖咄咄祖龍非丈夫毋乃

上下千古無其愚

石門道中

落日猶在塢扁舟過石門蟬聲咽雲樹人影澹煙村音已鄉
關別情惟估客論故園今夕夢兒女話黃昏

高頌禾

原名學洪字稔仲鳳臺子仁和人官兩淮呂四場大使著暴夢亭集

揚振鎬曰稔仲先生濡染家學幼入書畫辦吟社與名宿俊流相角逐試吏福建善閩游草改官兩淮不廢吟詠喜爲疊韻詩如謀婦可無江上酒規朋須納橐中肴世將贖本窺讒鼎客以魚蔬起謗肴君應處處如餐飯我本時時凜餽肴又思如盡意能通鳥飲到無名特借花茶亦可人休論酒柳能招客況於花皆新穎有致工倚聲刻有繪水軒詞二卷

訊槎將之浙以詩留別次韻奉酬

無端行色劇怱怱挂席淮東又浙東江水遠浮春草碧酒顏
濃襯晚霞紅自來名士多傷別到底文人不諱窮正喜向平

心願了策筇行作看山翁

擬東坡自金山放船至焦山

大江破浪浮金山對峙焦山高江光湧出山左右山嵐
瀉入江波濤我昨偶向金山宿起視江月明中宵乘便更探
焦山勝興來獨往浮輕橈宿雲漠漠漸出樹棲鳥啞啞初離
巢老僧愛客喜客至談笑與我如朋曹忽登絕頂試一覽大
江如束山之腰復望江南與江北青山莽莽流滔滔金山之
寺何岩巖金山之竹何蕭騷兩山之景併作畫詩人可吟不
可描行當高詠歸田賦結廬僧舍時遊遨朝看千竿萬竿玉
暮聽百八聲蒲牢

橘枝詞二首

合歡一闋唱先慵瞥見寒苞愁殺儂結得雙頭有花意年年

並蒂學芙蓉

盼到團圓影蕩摩郎情難縮欲如何心酸不待青梅子橘比
青梅酸更多

讀韓昌黎集

卅卷昌黎集千秋吏部光聖賢傳統緒宇宙啟文章師表羣
儒奉人倫至道彰盛衰關八代德業冠全唐浩氣真無敵隆
名信異常範原追孔孟論更接荀揚幻有騎龍度鮮如織錦
裳立言昭日月隻字挾風霜悲怨宗騷雅賡颺協贊襄懷仁
兼抱義樹紀并陳綱選舉知邪正登崇識俊良口難消謗骸
力可挽瀾狂告誡宣廷陸謨猷拜廟廊萬邦欽乃弼百爾事
其康帝念毋胥怠臣心豈敢違樸忠呈面目鯁直露肝腸韜
畧規經濟詞華發喬皇語皆徵實效勢不借虛張戰旣平淮

卜功頻破蔡望虎豺纔困鬪狼狽盡驚惶賞罰安循吏征誅
服遠羌借籌裴節度撼樹段文昌決勝逢擒賊收威竟闢疆
九重應有喜中夏已餘慶欲紀干戈戢思嚴金石藏穹碑留
煥耀椽筆助輝煌節概傾朝軸聲稱重黨庠退居容膝屋爭
負及肩牆卓絕先生品英奇弟子行窮年恆兀兀脫口每琅
琅舊稿高吟熟新編雜誦忙菑畬親訓詁鐙火對巾箱精業
歸勤敏嬉游戒怠荒鼎鐘尋漢魏銘誥溯殷湯不願膏粱味
頻將甘苦嘗百家期纂述諸子敢披猖得預青衿列咸叨絳
帳旁醇疵邀指點罅漏補遺亡詡詡東西室優優典籍場巍
乎高泰岱清矣濯滄浪玉尺分長短金沙費較量詩壇深蘊
釀藝苑久翱翔桀悍馴而伏頑愚走且僵義軒供探索滉籍
共丹黃世漸分涇渭公眞埽糝穢遺經何渾渾墜緒亦茫茫

制必追堯舜言須距墨楊吐辭攻佛老奉表進君王用可伸
知己忱能格彼蒼一封彈御座九死貶潮陽夢別鶴鴻隊蹤
投魑魅鄉遷移辭黼展竄逐到蠻方豈意躬徒瘁其如願莫
償崎嶇增客淚艱險阻行裝遍歷山川苦還虞雨雪雱惡溪
流瘴癘猛漲湧汪洋秦嶺家何在藍關路正長大伸終有待
小謫亦奚妨洛洞都縈念災祲肯過防山蛇連作穴海鱷巨
於航性暴欺熊豕身肥飽鹿麀人胡懼此禍物並受其殃莫
訖州民弱欣逢刺史剛齋心能約束正氣付祈禳設祭先崇
禮操弓後挽強退除同策馬奔徙等驅羊所患從茲息其勳
不可忘生祠隆袞繡明德晉圭璋厥土堪安堵斯人合樹棠
未蒙賢主召獨立宰官方伏櫪悲騏驥棲梧叫鳳皇五原開
道義十操訴憂傷一一參條理時時定否臧鬼神宏議論性

命辨周詳星漢相摩蕩乾坤孰頡頏異端嚴攘斥至教賴扶
匡別鵠飛無偶猗蘭佩獨香雄恢崎士概瑰麗美人妝快釣
三江鯉愁聽四壁蟻蕭騷攀屈宋綺靡薄齊梁研鍊舒魚藻
陶鎔發劔芒峯巒瞻嶽嶽戰陣布堂堂深奧微尋易逍遙陋
讀莊靈源探泗水古怨賦三湘道隔八千里哀驚十二郎招
魂情滿紙拭面淚盈眶慰汝宜銘柳嗟予例奠觴吟身憐寂
寞宦跡感淒涼撫養難酬嫂提攜又哭滂豈徒富篇什均以
振聾盲傲變孟郊體傾殊李賀囊送窮今乏術吞篆夙徵祥
百世風猶仰三軍帥足當崑源窺浩浩津海溯泱泱霞珮高
騰采天瓢倒揭漿餘聲歌激烈逸韻出鏗鏘萬本應流沫千
年尙播芳賞延邀

北闕祀肅列東廂考墓思河濟旌廬敬梓桑遺徽沾末學景

企薦羶薈

王

韓字鄂香海甯諸生

詩拙祥曰鄂香先生詩極有思致斷句如幽居云綠水迴環村一角白雲閒補屋三間賣錫云風暖泥聲雙展滑日斜花影一肩挑茉莉花籃云結來小

朱同蓮瓣穿就團花誤米籩皆雋句也

桐谿懷古四律
新坂鄉尋顧常侍舊宅

經師名自著黃岡一卷毛詩獨補亡宰相世家承闕閱儒林

文獻付滄桑隋志有顧野王集欲從斜照尋荒碣空憶春風

坐講堂歎息虎邱文會渺尙將韻事做蕭梁沈歸愚宗伯布擬顧越虎邱文

會四
六序

趙家橋弔宋宗室故址

六陵何處哭冬青
贖向橋邊問趙村
家世榜花誇故事
天運

芳草感王孫銅駝有淚傷宮闕白骨何年表墓門

諸趙墓在橋左

一樣埋香荒冢畔誰從寒食酌殘樽

徽林村西有古墓橋相傳南宋宮嬪葬處

黃牆里訪孫處士隱居

絕勝高人孫太初小桐谿上結吟廬舊交白水容同訂盞去

青山合隱居雙膝已穿幼安楊一生祇送相公車不知得月

軒頭月曾傍黃牆照讀書

地有得月軒見吳免淋蠶塘雜詠詩

閣老廳感徐夫人遺事

依然風月滿頭廳故國繁華夢裏因祝母壽同無量佛感君

恩及未歸人

料得魚軒腸斷處沙場猶有未歸人

踏鐙好句

懷元夜

夫人燕京元夜踏鐙

廢苑名花泣暮春

謂吳中拙一

瓣清香一幅畫好從金粟認前身

沈文治

字子清愛蓮子嘉興人著清遠閣詩稿

白嶽庵詩話子清傳家學善醫尤豪於飲隱壺賣藥
錢常供軟飽酒酣耳熱與人議論不合月甌上視雖尊
客在坐
不顧也

雨窗懷余嘯松 皖江

流光一彈指秋色正凋殘幾日雨聲碎滿天風氣寒素懷不
可白清夢隔雲端昨日魚書至爲言行路難

張開福

字質夫號石匏燕昌子海鹽諸生著蒲穀二璧軒詩集

縣志開福能讀父書好金石之學鑒別鼎彝碑版能識古文奇字尤工詩客陝西歸自號太華歸雲叟與二三老友飲酒賦詩無外慕焉

讀汪氏振綺堂藏碑目爲作歌

集古目錄小歐陽明誠千卷編琳琅古人千百存什一入之
祕篋矜收藏君家蓄書富二酉

御覽甲乙騰輝光此編輯錄本先澤奚啻百金購散亡巖山

兩浙輶軒續錄

卷三十六

沈文治

張開福

差

石刻六丁取南朝遺迹經滄桑雷轟片石傾江水鶴銘誰證
書上皇幸當

聖人右文世嗜古往往窮遐荒斜摩崖開通字石城子刻
傳敦煌孫夫人碑任城出武梁石室修嘉祥周宣獵碣尊太
學特達遂使隆圭璋草莽僅足載籍補亦或登頓羶椎忙披
榛斬棘歷嶮巖深山窮谷驚虎狼古搨戢齋良匪易旣勞蠟
屐又裹糧所好物聚乃至理收購況復有力強武林昔號金
石藪前數鈍丁後數黃趙翁客久關中摹一一善本歸篋箱
可憐身後都零落孰表著作來評量君家讀書識其大盡棄
糠粃存精良論古要辨潛采叟讀史持證潛研堂新詩清尊
付梨棗晴窗棐几盈縹緗西湖諸洞題名在要源趙宋追李
唐不然石亦有時泐那比翠墨發古香我來校勘忘日夕薰

風乍覺吹新篁一編再讀引人勝如入書巖登石倉

登滕王閣

依然傑閣俯江潭過客乘風試一探作者文章競盧駱當年
賓主美東南老懷入夢猶能壯山色凌朝尙帶酣一樣波濤
自今古放翁詩境可同參

孫憲儀

字昂蕭號秋士辰東子歸安諸生

府志憲儀勵志勤學無日不作詩其詩凡三變蚤歲近
甌北既而致力於青邱竹垞晚又好陳后山黃山谷有
劫木庵集辛辛草沒後多爲人持去湘中葉
名澧刻其未定稟僅十之一爲秋士詩存
梅曾亮序略秋士爲名公子貴介弟而無官於朝無迹
於場屋斗室中課六七童子十餘年主者不易姓往來
不過一二士詩一卷繭紙厚如鐵讀者卷舌帶口而不
可舍去方袍危冠履屨藁藁行市中拾斷爛古書歸作數
日喜居近正陽門不知何者爲時事新政達官要
人蓋古之山林枯槁之士無過於秋士孫先生者

盼仲兄二山泮中消息

大梁驅馬過可到信陵門自灑男兒淚誰邀國士恩謝池頻
有夢姜被不同溫身比殘棋局斜飛一角存

寒食旅感

土淺淹親久兒衰飲恨長更堪鄉井棄愁絕墓門荒弱息留
南國松楸悵北邙卅年寒食節長自淚浪浪

懷梅伯言

君亦司農佐趨公月幾回朝衫污墨印廠市戀書堆韓柳高
文在黃陳絕徑開都官窮未了又授後賢來

六十自述

千秋妄想一瓢詩都下逃名蓋有之無以爲家隨遇好未堪
多難養生遲不官偏愛梅仙尉玩世何嫌柳士師怪底燭搖
紅淚落白頭人是少孤兒

挂瓢堂合耳孫棲穀食鶉衣席帽低種樹祇慙空養棘編詩
未敢遽災黎寓公廿載依天北執友頻年戀郭西劫木庵中
存老婦太初應少此山妻

送窮詩

窮鬼依我何殷勤形形色時覩聞退之韓氏不在世彈壓
此魅無雄文坐令丹穴孔方少四壁蕭然徒擾擾家無長物
可洗貧黯淡銀釭一點小休言子富誇文詞天著子貧猶未
知那知祖傳窮徹骨窮固有自非關詩瓦盆春酒盛三白信
信病病餞鬼客從今無復稱可人眼底紛紛斗筭窄

除夕

令節催吾老恩恩歲又殘喜無他事擾孤坐一鐙寒兩眼遭
人白衰顏借酒丹何當春破臘朋舊續前歡

王

燾

字丹山號梨門鄞貢生著對山樓詩稿

董沛曰先生詩原本李何各體俱備上而以七言律爲最擬諸梅村洵足抗手余年十九始請業於先生惜不及一年遽歸道山諷詠遺集擇尤錄之

君馬黃

君馬黃臣馬蒼君馬如龍臣馬良神龍失水龍爲魚長蛇齧人狐跳梁臣力猶可用君心休旁皇

月夜遊響巖行

燾也魚山狂布衣酒酣大呼身欲飛落拓詩書二十年朝遊東山暮釣磯溪山坐臥無朝夕松竹煙霞漸成癖有誰好奇說響巖扁舟飛渡蘭江月明月如鏡舟如鳥梅林直作蓬萊島賀公琴書空薜蘿塵埃滿徑蒼苔老圖畫高懸八千尺碧水長天同一色修竹枝頭閣南斗白雲一片當胸臆野寺鐘

聲夜寂寥松風澎湃連青霄不見仙人弄笛來依然石室臨
江開酒腸喧動五內熱散髮高歌敲鐵節古來行樂有幾時
清貧未是生涯拙蘭江江水自東流千秋萬歲空悠悠人生
富貴何所求恨不早隨黃鶴遊

過姚江

客路生愁易孤舟入夢難龍山一片月獨向夜深看

秋夜口號

月白天清雁陣高草堂杯酒夜蕭騷挑燈讀罷留侯傳閒倚
秋風看佩刀

登天封浮圖

羣山西走大江東檻底孤城夕照紅兩道河流分地塔四窗
鳥影散天風蒼茫煙樹家鄉近咫尺樓臺帝座通何處乘鸞

便飛去平原回首暮雲空

城虎謠

城中虎愛食肉滿城風雨鬼夜哭猛虎白晝城中居
民盡竄伏民能伏虎能飛食人善擇人瘦肥白骨森森成山
岳朝夕咆哮猶厭飢盤踞高堂怒目視堂下人過猛虎喜鋸
牙鉤爪無甯時赤毫蒙茸其涎紫田閒老農不知虎農閒往
往入城府偶過虎穴遭虎噬傷殘虎口嘯冤苦城虎謠不可
聞況復眾虎相爲羣令人卻憶周將軍

東湖史王墓

靈旗風捲夕陽昏丞相封王絕代尊獨占湖山埋劒履親將
田地授兒孫高壇鐘鼓留僧寺歸路牛羊避墓門回憶前朝
泡影事有人閒坐說新恩

湖上獨行

湖水夜茫茫湖風作晚涼四山餘暑氣孤月礙星光草亂蟲
聲聚天高鶴路長清歌起何處濯足念滄浪

鄰叟

鄰叟聞我歸到門責所負搜囊苦無資避之顏亦厚因念東
西村負逋各已久燃眉我太急合券彼徧後冒雨特相訪兒
童告且走有婦出門迎自稱兒之母殷勤慰來意中腸向我
剖爲言夫死時遺家祇黃口我欲棄兒去夫死恐不朽不忍
違夫命飢寒其兒受夫生重結納夫死絕賓友夫墓草已荒
何曾奠杯酒我聞此婦言仰天中自忸昂藏七尺軀無端欺
寡婦平生慷慨心到此復何有歸來焚遺券長揖謝鄰叟

題倪文正元璐蘭石便面張忠烈煌言自書江上聞笛

詩合裝冊子贈琴樓光祿

琴樓手持畫卷長百尺呼我焚香拜毅魄摩挲雙眼翦燭看
滿幅淋漓血痕碧知是忠烈之詩文正之石殘牋賸墨落人
閒惆悵江山分半壁蘭葉森森不著花清風江上聞孤笛英
雄豈屑事雕蟲聊借霜毫寫胸臆憶昔龍飛鼎湖水黃狐跳
梁逐封豕杜鵑啼海棠秋銅狄銅駝相對愁孝陵白日高
皇哭甯武雄關亂飛鏃姜瓖唐通降表來大同宣府城門開
題詩抱石淚如霰綱常羞殺卑田院藍袍跣足出宮門相隨
只有王承恩天留倪公作男子赤手攀髯髮上指破碎山河
奉魯王南都更有張蒼水十九人中鳴噉噉力挽天河回大
造朗讀文山正氣歌丹心嘔出奇零草霜清月白城如斗鐵
騎依然向南走五色文章鍊不成空費媧皇補天手血戰歸

來白袍紫報國無成天意耳天意不諒人孤臣投繯死談笑
謝羅生從容赴柴市海枯石爛孤竹裂一片精誠留素紙石
勢崢嶸軒欲舉詩情激烈聲淒楚天半陰風捲雨過啾啾似
聽忠魂語此卷舊藏石湖家卷係范氏舊物文綾玉軸籤紅牙名公
鉅卿爭題跋陸離文采披雲霞光燄上燭祝融怒號召喧呼
紛攫捕萬卷灰飛獨無恙定知遺蹟神靈護琴樓琴樓君家
翰墨高充屋六朝金粉牛腰束千秋浩氣在乾坤莫其尋常
書畫讀

贈葛二守備雲飛

月黑空山射虎歸少年豪氣未全非題詩蛟窟波濤壯調馬
燕臺苜蓿肥千里論交肝膽在孤心報國死生微杜陵杯酒
青袍健可許相從著短衣

朱

雲

號小培
山陰人

雪中吟

細翦鵝毛任意鋪
頓教寒色上氈毹
淺斟低唱非吾事
笠屐來尋舊酒壚

玉戲由來具錦機
眼前色色看皆非
青山一夜頭通白
莫向吾親兩鬢飛

湯克成

字拙庵
蕭山歲貢

王右軍扈斑歌

五丁鑿破丹崖石
流落人間有遺跡
精靈耿耿光陸離
苔花蒼翠星芒赤
右軍書法超庸流
几席珍玩精搜求
銅牀玉格伴圖史
扈斑肇錫嘉名留
當日籠鵝下筆時
墨華縹緲想臨池
何須玳瑁裝千卷
欲並珊瑚架一枝
摩挲石骨尤奇特
屈

曲螺紋含古色鎮夕芸窗徙倚閒一拳對此曾相識雲煙過
眼空塵埃墨池遺迹生蒿萊玉函已殉昭陵葬金簡誰從禹
穴開蘭亭遺帖題癸丑片石卽今還在否更聞子敬有裘鍾
千載芳名同不朽

吳膺洛

字寶書一字宓川號子樵諸暨諸生

郭肇曰先生善臨池行草尤渾勁嘗書三帙貽三子名曰筆權意頗自負趙尙書退庵督學吾浙見先生書大歎服延入署縱論累日自謂不逮席別書四大幅贈之

八駿圖

渥洼神龍產九子一子蜿蜒隨入水其餘四足慣騰雲昂首
長鳴俟知己不願五陵逐少年黃金控勒珊瑚鞭不願幽并
借遊俠恩仇歷歷爭毫髮況今太平無鞞鼓將軍卸甲酣歌
舞不貴突兀貴調良祇取丰神屈雄武余生亦有王濟癖浪

向風塵收駿骨不知燕市千黃金可敵將軍一枝筆

黃士曜

字淡齋
諸暨人

暮春卽事

嫣紅姹紫鬪芳菲回首繁華景漸非昨夜溪橋新雨過桃花水漲鯉魚肥

鄺滋德

字昌言號黃芝諸暨人著半情居遺集

郭肇曰先生隱居浣溪絕意進取專力於詩生平持論斷斷少可多否與弟藜生各樹一幟

逃瘴抵長清嶺晚留徐氏山莊

攝身無長策小疾令身暇山靈久寂寞星言邀余駕屨香綠雲藉磴滑紅泉瀉列樹靜如待奔嶺鸞若透燃星叩松關仙路庶可借

寶劍篇

古劍芒寒拭秋水何人得之空山裏魑魅魍魎徹夜號風雨
雷霆暗天起憶昔媧皇御世開荆棘手斷鼉足立神極世閒
千莫盡凡鐵下視風歐皆失色眼前光怪何陸離持之起舞
霜倒飛有時春星動著地頃刻繁花落滿衣兩脊蜿蜒知何
字四顧躊躇無可試黃金鏤帶玉錯韞時危不敢須臾留不
如飛去還臥山之幽慎勿等閒細碎酬恩讐

呂

至

字秉中號與岑籀子棟
諸生著味根書屋雜著

蘇詩鈔若善讀書精校勘尤深姚江之學以周海
門先生證學錄語多放誕頗其精華刪爲善本
錢守初序略先生少承家學淡于進取爲學于身
心性命之旨以及經史百家莫不究覽尤長於詩
商賈慈曰先生年三十七喪偶終身不娶晚年不茹葷
云有天台僧見之驚爲酷似其師人遂疑爲苦行僧再世

周烈婦坊歌 有序

烈婦氏張開元鄉周慶餘妻也乾隆閒建坊垂八十
年敝斜將圯忽一夜天大雷電以風沙飛石走村社
木盡拔意是坊必將傾矣詰旦視之整飭如新同治
五年二月初六日事也

烈婦之坊本峭絕乾隆丁未賜綽楔雨淋日炙漸敝斜不知
何年石柱折將傾未傾勢岌岌天心有表貞烈同治丙寅
二月初霹靂一聲風雨颺共訝空中萬馬奔誰知暗裏六丁
掣詰朝晴霽頓改觀完好恰如初施設

聖世百神俱效靈降福與善合符節特假此告世上人男效
材良女貞潔

洪守一

字貫之一字鈍人瑞安諸
生議敘通判著后河漫草

自詠

清風生簾盎天亦愛吾貧看竹雲生屐鉤簾月滿身梅花相
對老硯水不知春坐久渾無語青山冷笑人
年來鶴共羶所愛復何須松火烹茶鼎桑枝煉藥鑪夜談揮
麈尾午夢付龍鬚睡覺拋書倦從人笑我迂

漫興

擾擾俗塵侵撚髭且自吟境能閒便靜秋到淡方深流水白
蘋岸夕陽紅樹林村居足風景何事觸歸心

陸韞山邗上集書後

天開煙月古揚州幾輩才流跨鶴游歌舞未央隋帝樂繁華
易散杜郎愁六朝韻事餘金粉五夜芳魂弔玉鉤懷古詩成
壺欲碎儘宜收拾付蕭樓

兩浙輶軒續錄卷第三十六